

Repudio total pa abuso di AVP contra pueblo...

KETO BAY OTMAR Y MIKE TA ABUSA DI PUEBLO CU KLEM




Tanki Flip cu statua gigante di Betico

Statua di Betico traha pa
Harold Larmonie di Savaneta a
haya su cas nobo na Radio Bo

Guia di Mimi

*Betico ta sigui biba den
nos curazon*



Asesinato...

HOMBER A HAYA TIRO DEN CABEZ NA RANCHO



Accidente fatal na Brazil

Chauffeur cu a fayece ta Olvito Jean
Baptiste, naci na Haiti 7-7-1982



DIARANZON 27 APRIL
11:00 AM - 10:00 PM

NA CEDE DI MEP

Oranje Fest
cu MEP



Asesinato...

HOMBER A HAYA TIRO DEN CABEZ NA RANCHO



Diadomingo marduga den careda di 12:35 polis y dos ambulancia sali rumbo pa Ranchostraat pa un caso di tiramento. Na yegada nanta bin topa cu un persona masculino conoci bao di e nomber "Colombia" cu un herida di bala parti drechi di su cabez cu no tabata duna señal di bida. E homber tabata riba un vloer patras di un cuarto.

E area caminda e homber a wordo haya ta

un area cu tin diferente cuarto cu ta wordo gehuur. Tur ta pega cu otro, pues indicando cu un persona mester a scucha algo y kizas te hasta waak e asesino.

Den algun rato autoridadnan encarga cu crimen a presenta na e sitio pa asina cuminsa un investigacion. E area a wordo cera por completo. Habitantenan tur a subi caya buscando pa sa kico a pasa. Pa mas o menos 1'or dokter

Anthony a constata morto.

Informacionnan cu nos a haya na e sitio ta indica cu victima aparentemente ta involvi den e mundo di droga.

Vocero di polis, sr. Lito Lacle a bisa cu te cu diadomingo merdia, polis no a identifica e persona aki. A pidi comunidad pa coopera cu polis. Ta pidi na esnan cu por tin informacion, pa tuma contacto cu polis of cu tipline.



TA BUSCA PA CUMPRA

Kia Rio 2010 -2012

Pa cliente . Of cualkier otro bon oferta riba un vehiculo

call :741-8669

TA BUSCA PA CUMPRA

Tereno unda cu ta

Mas o menos 10 mil fl .

Call 741-86-69

Repudio total pa abuso di AVP contra pueblo...

Keto bay Otmar y Mike ta abusa di pueblo cu klem



Ta parce cu e pesadiya aki di klem no tin final. Tur santo dia Otmar y Mike ta keda manda Aruparking pa bay klem auto di hende. Tur hende tin cu paga y unda hende ta saca placa pa paga klem?

Cuanto mas pueblo mester soporta e abuso aki? Con nos por bay Playa? Dificil! Pa bo haya un klem di 300 florin?

Ta condena e Partido AVP y Mike Eman ta ta sigui permiti e absurdez aki, matando comerciantenan den caya. Cuanto mas? Te ki dia e cos di peñul aki?

Riba e fotonan, cu nos a haya via facebook, por mira cu den weekend, un vez mas, ta fiesta di klem tin, fiesta di abuso contra pueblo!

Banco di Seguro Social Aruba

INVITACION PA OFERTA



Banco di Seguro Social Aruba, SVb, tin e intencion di drecha y renoba dak di su edificionan na:

- sucursal di San Nicolas, situa na Bernhardstraat 67 C
- sucursal principal na Eagle, situa na Caya Punta Brabo 19

E renobacion ta planea pa tuma luga durante lunanan di juni y juli 2016.

Tur compania cu experiencia amplio riba e tereno aki ta keda invita pa entrega un oferta pa e trabao aki no mas tarda cu diabierna 13 mei 2016, 2:00 pm na oficina principal di SVb na Eagle. Oferta mester ta dirigi na directeur di SVb, ir. Edwin M. Jacobs.

Pa mas informacion tocante e trabaonan cu lo mester wordo realiza por tuma contacto cu sra. Gladys Kock, Hoofd Facilities di SVb, telefon 527-2707 of 594-5782.

E oferta mester contene por lo menos:

- descripcion di trabao cu lo realiza
- materialnan cu lo wordo emplea
- tempo den cual trabaonan lo wordo realiza
- costo total di e proyecto

Pa por bin na remarke pa e trabao aki tur compania mester ta registra na SVb.

ir. Edwin M. Jacobs
Director

SVb - Seguridad pa Aruba su comunidad



Purba bo suerte *gratis* cu Hyatt Regency Aruba Casino

Desde 1 di april te cu 30 di april 2016, bo lo ricibi \$10 regalo pa bo purba bo suerte riba nos mashinnan. Bin experiencia nos slotnan cu ta duna mas tempo di wega, diversion y mas premio.

Nota: Bo mester ta local y miembro di e Players Advantage Club pa bo por disfruta di e beneficiann aki. Mester presenta un ID valido (rijbewijs of paspoort).

Pa mas informacion relaciona cu e promocion aki, yama nos Players Advantage Club na 586-1234 ext. 4583.


Hyatt. You're more than welcome.



HYATT
REGENCY

For more information, please contact our Players Advantage Club at 586-1234 ext. 4583. HYATT, Hyatt Hotels & Resorts® and Hyatt Regency Aruba Resort, Spa & Casino® designs and related marks are trademarks of Hyatt Corporation ©2016 Hyatt Corporation. All rights reserved.

Burico a subi caminda y dal un auto basta duro na Savaneta




Diasabra marduga riba e caminda principal di Savaneta na altura di Ritz a sosode un accidente di auto basta fuerte cu a laga un Tercel total loss. Patruxa policial a yega di biaha na e sitio y a topa cu e auto completamente kibra riba e caminda. Tabata tin testigo tambe cu a tuma nota con dos burico ta yega, cruza caminda y dal basta duro riba e Tercel bahando for di pariba.

Esaki a pone e chauffeur perde control y dal un

muraya di cas. E burico hunto cu su compa e a bandona e sitio y sigui bay den e mondi.

Testigonan a core sali for di nan auto y a bay yuda e se ora pero e tabata ileso pero spanta pa loke a pasa y mira con kibra su auto a keda. Por a tuma nota cu e sla na e cura tabata minimo pero e manera con e burico a dal riba e auto tabata algo increibel. Increibel con e burico a lanta para y bandona e sitio.

Auto a dal frontal cu otro na Santa Martha



Diasabra merdia riba e caminda di Mahuma pa Santa Martha a sosode un accidente di auto frontal. Ta asina cu un Kia biniendo for di panort direccion pazuid un auto su dilanti a yega, dal un brake di golpi, pone cu e chauffeur di e Kia pa no dal su tras a perde control bay den banda robey y dal cu trafico contrario. E Kia a dal basta duro riba un Suzuki Alto bayendo

panort. Ambulance a presenta pa atende cu un chauffeur cu tabata

keha di dolornan fuerte na pecho despues di a dal contra e stuur di auto.



Santa Cruz
BARBERSHOP

T1.600-6673 • T2.592-1880

TA BUSCA BARBERO

- * Cu minimo 2 anja di experiencia cu permiso valido.
- * Profesional, responsable y amabel.

Accidente fatal na Brazil

Nissan cu cuatro ocupante a bolter

Chauffeur cu a fayece ta Olivito Jean Baptiste, naci na Haiti 7-7-1982




Diadomingo mainta pa 6.15am alarma a wordo bati pa un accidente na Brazil, un poco mas pariba di cas di Hoi Sing Loi.

Un accidente hopi serio a tuma lugar unda un auto a bolter cu den dje cuatro persona. Tabata trata di un Nissan Sentra. Na yegada di unidadnan nan a logra

saca dos persona, un di nan cu pia kibra y e otro cu basta sla na curpa, pero nan tabata fuera di peligro.

Unidad di brandweer despues mester a bay saca e chauffeur y su pareha cu ta cinco luna na estado. E chauffeur a muri al instante, mirando cu el'a fractura su craneo parti ariba.

Informacion cu nos ta dispone di dje ta indica cu e cabayero aki ta biba na Sabana Blanco y tabata na San Nicolas y a ofrece algun hende lift pa trabao. Den e auto tabata tin tres Haitiano y un Arubiano. Aparentemente na San Nicolas e tabata haci basta wega cu auto, segun a wordo informa. Bayendo abao y cu velocidad hopi halto na cierto momento el'a kita na su man drechi y a subi algo di cement na banda di caminda pa despues bay bolter contra un mata di Kenepa den un



cunucu cu consecuencia fatal. E chauffeur pues a muri al instante.

Pa 7:10 am dr. Lunchman a constata morto di e homber

Olivito Jean Baptiste, naci na Haiti 7-7-1982 y tabata biba Sabana blanco. E ta laga atras su señora na estado di cinco luna.

JulieJulie

Perfect Me!



2016

Rene Wild

Nutricion & Movecion

Nature's Discount®

Health Challenge

BAHA PESO - SINTI MIHO - DRUMI MIHO

**8 accion tur dia pa 12 siman
lo cambia bo bida pa semper**

- ✓ Guia y motivacion profesional
- ✓ Diferente actividad y evento pa participa aden
- ✓ Tur siman diferente premio
- ✓ Eventonan gratis
- ✓ Premio atractivo na final di programa
- ✓ Charla cu presentadornan internacional y mucho mas!!!

VOL=VOL

Pa mas detayes pasa na un di e sucursal nan di Nature's Discount of bishita nos Facebook page. Inscripcion solamente Fls. 50.00 y ta start Dialuna 25 di April, 2016. Tur participante lo ricibi un goodie bag y prome 100 inscripcion na cada tienda lo ricibi un extra regalo.

Riba Sasakiweg:

Un chauffeur a desvia pa un otro auto, a perde control y bolter



Diadomingo madruga a drenta informe di un accidente riba Sasakiweg. Esaki yegando e luznan di trafico na Palm Beach. Mesora a dirigi un patruya a sitio. Na yegada di e patruya a bin compronde cu aki ta trata di un accidente unda cu un chauffeur mester a haci un maniobra pa desvia di un otro auto, E mes a perde control y bay bolter. Afortunadamente ningun hende a resulta herida.



E famia di WEB Aruba ta felicita Rey Willem-Alexander y famia real. Hunto nos ta disfruta di e dia bunita aki, yen di festividad.

Diahuebs 28 di april nos ta na bo servicio atrobe.



Balashi 76, Aruba | T. 525 4200 | F. 585 2000
E. info@webaruba.com | www.webaruba.com

Ta Bende Toyota Yaris 2010

AUTMATIC Y AIRCO FRIU FRIU.

VEHICULO DEN SUPER BON CONDICIONON PADEN Y PAFO.
VEHICULO DI UN PERSONA GRANDI DI EDAD CU TA CUIDA SU COSNAN.

TA BENDE PA MOTIBO CU MESTER BIAHA CU URGENCIA PA BUSCA SU SALUD. COLOR CORA SCUR, 64 MIL KILOMETER CORI, NO DAMAGE, NO ACCIDENT. PRIJS: AWG.14900 Y NEGOCIABLE

JAMA

AWOR NA
:5694343



LIDER DI MEP, MR. EVELYN WEVER-CROES

"MI NO TA COMPRONDE DICON E CAMBIO DI LEY PA CASTIGONAN MAS PISA PA ABUSO SEXUAL DI MENOR MESTER TARDA ASINA TANTO"



Fraccion di MEP ya casi 6 aña pasa a traha riba un proyecto di ley pa introduci castigonan mas severo den caso di abuso sexual di muchanan. Esaki despues cu un mama balente a acumula 11 mil firma y entrega un peticion na Parlamento den nomber di 11 mil hende, pa cambia e ley y bin cu e castigonan minimo. Tur hende den nos comunidad ta sclama pa bin cu un sistema cu ta evita cu un abusador sexual ta cana liber despues di apenas algun luna, mientras cu bida di e mucha ta afecta pa semper. Lamentablemente gobierno no kier tende di haci e castigonan mas severo y evita cu e abusador ta sali di prison mucho liher. Lider di MEP, mr. Evelyn Wever-Croes a describi e caminda di cruz cu e ley aki di MEP mester a cana y ainda ta canando, pa casi 6 aña.

"E ley a wordo entrega pa nos fraccion dia 21 April 2010. El'a bay Raad van Advies e siguiente luna y na Juli Raad van Advies a contesta cu mester haci algun cambio, pero cu tanten no ta para den e ley kico ta e opinion di gobierno, e ley no por continua su caminda. Na September, despues cu nos a traha riba e cambionan, e ley a

wordo manda pa Minister Presidente cu e peticion pa formula un punto di bista di gobierno pa nos por finaliza e ley. Mirando cu Mike Eman no a muestra ningun interes, na Juli 2011 nos a bolbe mande, e biaha aki pa Minister di Husticia. Nos a manda mas recordatorio, tambe na Directie Wetgeving, sin embargo te dia di awe nos no por logra haya e posicion di gobierno pa asina nos keda cla cu e ley. Lamentablemente e minister cu tabata encarga cu asunto social, sra. Hooijboer-Winklaar a declara cu e tema aki tampoco tin su prioridad pasobra no tin hopi caso di abuso sexual na Aruba toch. E informacion aki NO ta corecto, pasobra nos tin informacion cu e cantidad di casonan a redobla compara di 2014 pa 2015.

Mi a lamenta e actitud ey di minister Michelle Hooijboer y e tempo ey mi a recomend'e pa e usa e mesun curashi y bay den Ministerraad y splica e hende hombernan den su Ministerraad cu algo mester wordo haci. Como hende muher, nos no por sigui permiti cu e hende hombernan ta nenga proteccion na nos muchanan. Lamentablemente awe nos ta mes leu ainda.

Muchanan ta mira adultonan pa nos protege nan, pa nos evita cu nan ta wordo abusa. Pero na Aruba nos a faya. Gobierno a faya y Parlamento tambe a faya. Y mi tin berguena di ta forma

parti di un Parlamento di cual su mayoria a prefera di ignora e problema di abuso sexual, djis pa sirbi un fin politico. Y mi ta cansa di tende cu NO POR. No bisami cu castigonan

mas severo no por, cu castigonan minimo no por. Bisami anto kico SI POR, pasobra un cos ta sigur, asina nos no por sigui mas", mr. Evelyn Wever-Croes a duna di conoce.



The graphic features a black and white image of a KitchenAid stand mixer. Above the mixer, there are various baking ingredients and tools like flour, eggs, and a whisk. To the left of the mixer is the Robin Hood logo, which includes a stylized face and the text 'SINCE 1909' and 'DEPUIS 1909'. Below the mixer, a dark banner contains the text 'PARTICIPA y GANA 3 KitchenAid'.

PA PARTICIPA

- Cumpra hariña Robin Hood, 1 kg of mas grandi.
- Scirbi nomber, adres y telefon riba e recibo original cu descripcion.
- Entrega na Supermercado participante of na Compra Ltd den Engelandstraat of Schotlandstraat.

Ultimo dia pa entrega Mei 6, 2016



Tanki Flip cu statua gigante di Betico

Statua di Betico traha pa Harold Larmonie di Savaneta a haya su cas nobo na Radio Bo Guia di Mimi

Betico ta sigui biba den nos curazon



Den weekend nos por a observa momentonan cu Mimi Rosel-Koolman y Dokter Ross, Fanchi Rosel a instala un statua gigante di Betico, dilanti di nan radio, Radio Bo Guia na Noord.

Mesora a bin bek na memoria cu e statua aki tabata instala na Savaneta, dilanti di cas di Harold Larmonie den feliz memoria.

Algun tempo pasa Harold a fayece y su cas situa banda di lama a wordo bendi. Ora cu e cas di Larmonie a wordo bendi, e statua a wordo baha y a bin cay den man di Mimi Rosel, kende a ward'e algun aña na su cas.

Awor a yega momento pa dune su cas nobo, dilanti di su emisora, cu a proba di ta un emisora patriotico, promoviendo e mensahe di Betico y teniendo Betico na bida.


SOLO DI PUEBLO cu tambe tin mes valornan patriotico, ta felicita Mimi y Fanchi pa e acto aki.

Harold Larmonie (dfm) lo ta sumamente contento



cu su obra a haya un lugar prominente, riba un caminda cu tin hopi circulacion di trafico, asina manteniendo Betico su imagen bibo den nos comunidad.

Mimi a manda e mensahe aki via di Facebook: "Charrito, yiu di Charro ta esun cu a yuda pa pone e estatua! Su tata, Charro Kelly ta esun cu a manda telegram rond mundo ora nan a atenta contra Betico dia 24 di April 1983! Pa exactamente 3:07 pm



team bao guia di dr. Ross, Fanchi Rosel, Rocky Kelly, Charrito Kelly, Roy Croes, Cederick Fingal y hefe, Gabriella Carrion a pone e statua na su lugar nobo! Danki papa DIOS!"

Ariba e fotonan, por mira na momento cu e estatua a wordo instala dilanti di e studionan di e radio emisora 88.9 FM, Radio Bo Guia.

IT'S ON!
JALAPEÑO FRESCO
CHALLENGE

GHOST PEPPER FRIES

f WENDYSARUBA

JALAPEÑO FRESCO
CHEESEBURGER

JALAPEÑO FRESCO
SPICY CHICKEN

#TopamiNaWendys

3 LEVELS OF HEAT

- 🔥 CALIENTE
- 🔥 VOLCANIC
- 🔥 INFERNO

BEAT'EM ALL!

Cas completamente na candela



Diasabra pa 12'or marduga cu gay cora a canta den Zuster Cherubinestraat pa un candela di cas. Di biaha centro di alarma cu urgencia a despacha dos unidad di bombero y polis pa e sitio. Prome patruya policial y di bombero a yega basta liher y asina e bomberonan a drenta den accion. A constata cu e candela na e compleho di apartamento riba

tabata completamente na candela. Na momento di e candela habitantenan tabata drumi y e huma a lantanan for di soño. Bomberonan a drenta accion basta liher pa combati e candela. Slachtofferhulp tambe a presenta pa papia cu e famia y yudanan haya un hogar temporalmente. Cruz Cora tambe tabata na e sitio pa ofrece ayudo.

N-FASIS LOUNGE
(LOCATION EX - ICEBERG)
PRESENTS *26 April*

JE'0 297 **BOB HARMS**
ISUSKINADISON

KONTINGS
Party
DAG

PORTA LO TA HABRI FOR DI 9:00 PM
ENTRADA AFL 5,00
BAR I CUSHINA LO TA BON SURTI

Minister Michelle Hooyboer-Winklaar durante International School Leadership Program: E instrumentonan pa mehora nos Enseñanza ta den nos man



Tabata un programa di certificacion internacional cu a cuminsa for di aña pasa, ta masha intensivo mes, den tres diferente componente, pero cu ta yegando su final. E participantenan mester a presenta un plan di mehoracion den nan school. "Tabata un atardi fantastico pa sinta scucha ideanan nobo cu a sali. E participantenan a demostra cu nan sa y ta capaz pa realiza e cambionan", asina Minister Michelle Hooyboer-Winklaar a duna di conoce. Mester menciona cu tin tres diferente grupo participando den e curso y tur tres tabata hunto diabierna ultimo pa scucha di e plannan presenta. Pa esnan cu ta

den nan ultimo fase tabata un momento pa demostra kico tur nan a siña, mientras cu pa e participantenan cu apenas a cuminsa of ta na mitar den e curso, pa nan e tabata un bon oportunidad pa realiza kico tur ta spera nan ainda durante e trayecto di modulonan pa logra finaliza e International School Leadership Program.

"E comentarionan cu mi a ricibi ta fantastico, hopi positivo. Mayoria participante a bisa cu hopi di e informacion nan kizas a yega di scucha caba, pero awor a trece den un angulo diferente, yena cu ideanan nobo y

sugerencianan con pa logra mihor resultadonan", asina e mandatario a conta. E programa riba su mes ta un herment ideal pa inspira cabezantenan di school, con pa lidera un school, cu no ta solamente e edificio, sino atende cu docentenan, alumnonan, mayornan y asina por sigui menciona.

Na final di e curso, pa e Minister di Enseñanza ta masha importante pa participantenan sinti nan mes den un spotlight, den un ambiente cu ta permiti nan pa pensa un tiki "outside the box" y pa nan sa di e "best practice" cu ta wordo haci na otro parti di mundo cu nos por adopta pa nos isla.



"Mi ta convenci cu e cabezantenan sa di e aspectonan cu nos kier cambia y kico ta e instrumentonan cu nos tin pa haci'e posibel", segun Minister Michelle Hooyboer-Winklaar, cu ta

sigur di su mes cu e curso

ta masha exitoso. "Minimal, e hecho cu nos ta trece cabezantenan hunto, cu hopi biaha no ta topa otro, cu esaki tabata un momento masha oportuno pa nan topa y comparti y intercambia di informacion valioso riba desaroyo di nan school".

Debi na un persecucion:

Chauffeur a haye obliga di pasa den verboden y ocasiona un accidente

Diasabra mainta a drenta informe di un accidente cu hende herida na e cruzada Agentiniëstraat/ Emmastraat. Despues di mas di mey ora un patruxa a presenta y e ambulance despues di casi un ora. Varios yamada a ser haci pero aparentemente tin bahamento di gasto den ponemento di personal na warda. Pa locual ta e accidente mes segun e chauffeur e tabata ser persigui pa un persona den un auto color scur cu glasnan getint. Esey a pon'e

pasa den verboden den Agentiniëstraat. Net na e cruzada ey e chauffeur den su pura no a duna preferencia na e SUV cu tabata bayendo pazuid den Emmastraat, a bay dal den dje. Debi na e impacto e chauffeur di e SUV a resulta herida. E victima a keda casi 1 ora ta warda riba ambulance. Ora ambulance finalmente a yega, personal a atende ambos victima y a transporta unicamente e chauffeur di e SUV pa hospital.



Dangui Oduber, parlamentario di MEP:

E negligencia y descuido medico na Aruba ta grave!




E situacion cu nos cuida medico na Aruba actualmente ta hopi preocupante y grave. Siman pasa un manifestacion a wordo organiza pa sra. Vivian Krozendijk pa e negligencia medico. Mi tamba a sostene e manifestacion aki como ciudadano cu ta preocupa cu nos cuida medico y e negligencia. Durante e manifestacion aki mi a haya e oportunidad di conversa cu varios ciudadano cu a experiencia e negligencia y descuido medico. Ta hopi tristo ora bo a tende storianan di famianan cu

a perde un ser keri. Mi ta kere a yega e momento pa minister Alex Schwengle para keto un rato y realiza cu e situacion aki ta uno hopi serio y grave. Nos ta papiando di bidanan di ser humano y esaki no mester wordo negligencia of ignora. E ta un problema real cu minister di salud sr. Alex Schwengle mester atende cu esaki urgentemente. E mester realiza cu tin demasiado keho actualmente pa keda sin trece cambio den e maneho.

Ta masha hopi placa un

ciudadano ta contribui mensualmente na e fondo di AZV pa ricibi e cuida mediocre aki. E casonan di negligencia ta mucho hopi y no por papia mas di algun caso. E storianan di famianan ta doloroso. Hopi ta esnan cu a perde un ser keri of pa motibo di descuido. E minister actual no por cera wowo pa e realidad aki. Salud ta algo cu ningun hende por biba sin dje. Tin hopi cos cu mester cambia den nos cuida medico. Varios ta e kehonan tambe di ciudadanonan cu ta haci testnan y no ta haya e resultado di testnan aki mesora. Tin hende cu tin cu warda lunas promer cu nan haya nan resultado. Ta increibel cu un hende malo por wordo trata di e manera aki. Si ta mas hende mester busca anto e ora mester busca mas hende pero salud di hende no ta algo pa hunga cune. No solamente testnan tin keho riba nan pero tambe e verwijzing di huisarts pa un especialista. Mesun caso cu resultado di e testnan tin ciudadano tin cu warda lunanan promer cu nan haya un cita cerca un especialista. Tin hende ora nan yega specialist ya no mucho por wordo haci pa nan. Cu tur e proceduranan



aki, mester bin cambio. E ta simplemente inaceptabel e cuida medico cu tin actual y e minister concerni tin cu actua awor y no tin mas tempo pa perde. Si e no por trece e cambionan necesario pa mehora e cuida medico anto e ora e hala un banda y laga otro haci e trabao aki pe.

Kico minister Schwengle a haci e ultimo añanan

aki, mi no sa pasobra envez cu e cuida medico a progresa, nos a bay atras. No tin progreso den nos cuida medico, e casonan di negligencia a bira mas hopi y e descuido a sali for di man. Den un pais cu supuestamente mester ta un pais di 5 strea manera Mike Eman ta bisa, e cuida medico ta laga hopi di desea!

Awg. 125.00	Awg. 85.00	Awg. 75.00	Awg. 55.00		Awg. 70.00
	Awg. 125.00	Awg. 75.00	Awg. 55.00	Awg. 185.00	Awg. 100.00

Fab PLUS SIZE looks in 1XL-2XL-3XL ! Amazing styles at Great prices.

TRASH

Dia di Rey: Competencia di flie na Playa Pabao

Directiva di Centro di Bario Playa Pabao ta participa na e hubentud y adultonan di Playa Pabao y di Aruba en general cu e aña aki lo tuma lugar su tradicional competencia di flie.

E actividad aki ta tuma lugar diabierna 27 di April pues Aña di Rey na Centro di Bario Playa Pabao. Inscripcion ta tuma lugar riba dia di competencia for di 7:45am pa 8:45am y lo cobra e suma di 5 florin pa flie. Competencia di fli ta cuminsa 9'or. Lo competi den 3 categoria: categoria A di 10 cm – 50 cm, categoria B di 51 cm – 100 cm y categoria

C di 101 cm – 200 cm. Directiva di Centro di Bario Playa Pabao ta pidi participantenan pa tuma bon nota di e categorianan y e orario di inscripcion.

Directiva di Centro di Bario Playa Pabao ta desea e participantenan tur clase di exito riba e dia aki. Lo tin un bar y cushina bon sorti. Pues bin celebra Aña di Rey den un ambiente familiar na Centro di Bario Playa Pabao. Y no lubida cu merdia di 1'or pm pa 5 'or pm tin oportunidad pa baila cu e banda cu ta trece mas ambiente na Aruba esta "Alma Next Level".

Na Nuñe:

Auto a dal palo di luz y chauffeur a bandona e sitio na pia



Diadomingo marduga na Nuñe habitantenan a scucha un desordo basta fuerte y a tuma nota di un jeep cu a dal contra di un palo di luz. E chauffeur

mes a bandona e sitio. Polis a presenta y tuma datos y a topa cu un botter di whisky cu e chauffeur a laga atras.

Otro auto di Polis kibra:

Accidente ocasiona pa chauffeur cu no a duna preferencia na Polis

Diadomingo merdia riba e caminda na Santa Cruz na altura di Mundo Nobo tabata tin un accidente di auto caminda un auto di Polis tabata involvi. Especialista di trafico a presenta na e sitio pa haci nan investigacion.

Nan a determina cu e Prado di polis bayendo panort, yegando e t-weg banda di Mundo Nobo, un otro auto a baha di pariba y yega subi caminda. E oficial cu a mira e auto subi su dilanti a intenta di desvia na man robz pero tabata en vano. Toch e auto a dal basta duro riba e auto policial. Ambulance a presenta pa asina atende cu e señora den e Mitsubishi cu tabata un persona grandi.





**Santa Cruz
BARBERSHOP**
Mon-Fri 12AM-9PM • Sat 9AM-6PM
T1.600-6673 • T2.592-1830



**La Plaza del
Corte & Butique**



Ban CUBA na luna di Juli

**YAMA
BENITO
TOURS
5940052**



Movimiento Electoral di Pueblo a tene un dia di trabao pa su candidatonan y directivanan



Diasabra Movimiento Electoral di Pueblo a tene un dia di trabao pa su candidatonan y directivanan di barío.

Den cuadro pa mehora e conocimiento ariba varios topico, a tene dianan di reunion extensivo pa

asina e candidatonan por profundiza riba varios tema di interes. Esaki ya ta varios vez cu ta tene e dia di trabao aki.

Ariba e fotonan por mira con e dia a bay.



ARUBA SOFTBALL BOND TA PRESENTA



TEAM CANADA


STA ROSA ANGELS | CAMPEON 2015 DI CURACAO

ARUBA BANK LADY TIGERS | CAMPEON 2015 DI ARUBA

JAGUARS | CAMPEON 2015 CHAMP OF THE CHAMPS

TAMBE LO TIN WEGANAN DI FOGEO DI SELECCION MASCULINO CU PITCHERNAN INTERNACIONAL

SOFTBALL FEMENINO A LA CARGA!!!!!!!



**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500

Cabezantenan satisfecho cu e programa di certificacion

30 Participante a termina e prome 3 modulo di International School Leadership



den bo team y sigur esaki ta bay bek den e school, pa hunto carga e school y hiba e studiantenan padilanti.

Cu e ceramento di e di 3 modulo di e curso di International School Leadership, awor e cabezantenan ta prepara pa na luna di Oktober cuminsa cu e di 4 modelo mientras cu e ora lo start cu e ultimo grupo cu lo inicia e proceso cu entretanto ta den su di 3 rond caba. Por nota cu e cabezante-y ehecutivonan den enseñanza ta masha contento cu e curso y di e contenido cu nan ta siñando. Claro cu e cambio di pensamento y forma di lidera un school lo mester traduci su mes den mihor resultadonan den nos enseñanza.



Tabata un siman intensivo cu cursonan rico na contenido brindando mas informacion y practica, strategia- y formulanan con pa sigui hiba educacion pa dilanti. E ser humano tabata central y di mas balor, en vez di material so, pues enfocando riba e factor hende y combin'e den e forma con ta duna les. "Nos mester haci e impacto den bida di e estudiante, sin distingui na ki nivel e ta, pero cu den dje nos por crea un lider cu el'a nace pa ta", asina Vanessa Croes, cabezante di Imelda Kleuterschool a bisa na final di e curso special di "International School Leadership".

Despues di a termina e di tres modulo di ISL, e cabezantenan tur ta mira atras na un exito rotundo. No ta normal cu ta kita 1 siman di trabao, pa por sigui un curso, pero e tabata bale la pena. "Lead by example" tabata un di e temanan cu a elabora hopi

riba dje durante e siman di curso, den cual ta conseha e cabezantenan pa no solamente bisa locual mester haci pero tambe pa haci locual ta bisa. "Esey pa mi tabata un cambio grandi den e forma di mira cosnan, pa e team cu ta traha cu nos tambe por sinti nan mes mas habri pa por sigui padilanti", di acuerdo cu Franklin Richardson, cabezante di Fatima College na Dakota.

"E tabata un curso hopi dirigi riba e lider mes, riba Bo potencianan, riba Bo emocionnan, con Bo por ta un bon lider, con bo ta logra lo mihor na bo Bo school y pa Bo muchanan", asina Sheila Lazo-Tromp, cabezante di Pius X School a splica. E ta kere cu e curso a siña e cabezantenan cu como lider semper mester ta on top, semper mester ta sigur di bo mes, emocionalmente mester ta stabil, mester traha hopi relacion, riba e confianza

RESULTADO DIASABRA 23 APRIL DI MERDIA



Sorteo # 1484

1548

6846

6364



Sorteo # 1484

2964



Sorteo # 1484

2357

Sagitario

RESULTADO DIASABRA 23 APRIL DI ANOCHI



Sorteo # 5855

7390

8634

9277



Sorteo # 4899

3293



Sorteo # 3658

4806

Libra

RESULTADO DIADOMINGO 24 APRIL DI MERDIA



Sorteo # 5854

1548

6846

6364



Sorteo # 4898

2964



Sorteo # 3657

2357

SAGITARIO

LOTTO DI DIA 01-04-16-27-28 LOTTO 5 07-08-14-17-34 J 26 D

DIARIO

6605

6614

0650

CORSOU

2593

3385

8198

LOTTO DI DIA 10-20-24-27-28

DIARIO CORSOU STO.D

9210 7810 4538

9751 1172 1214

6323 7490 8078

SUPER 4 7732

BENNY NISBET, LIDER DI PPA:

PRESENCIA DI ARU-PARKING CAUSANDO UN DESASTER Y UN ABUSO DIARIO CONTRA PUEBLO ORA USA 'KLEM' RIBA PROPIEDAD/AUTO DI PUEBLO!!

Cu atencion PPA ta tuma nota di e tantisimo ponemento di 'klem' riba auto/ propiedad di pueblo di Aruba cu consecuencia 'dramatico financiero' cu e chauffeurnan lo mester paga f. 75,-- pa kita e klem of despues cu e autonan wordo hiba pa Arubus, e ta trece cune cu mester paga pa e transportacion di e auto un otro f. 150,-- acerca. Un abuso di otro mundo!! PPA ta ripiti cu Aruba NO tin mester di un Aru-parking anto esaki pa uso di parkeerplaats cu a wordo traha cu fondo publico/di pueblo y no di ningun inversion special. Esun cu ta pretende cu Aru-parking su presencia y su rol a drecha e situacion den centro di Oranjestad, simplemente no ta consciente di e realidad amargo aki.

Na prome lugar e trahadornan di cual mayoria ta cobra un salario minimo mester paga pa para nan auto mensualmente.... ora papia cu e trahadornan aki... varios cu awa na wowo ta splica cu nan realmente no tin e espacio pa paga esaki pero cu nan no tin otro escogencia fuera di para nan auto hopi leu y cana na pia... sin e seguridad cu ora nan yega atardi pa tuma nan auto cu algo lo por a pasa cune. Na di dos lugar comercio mes su venta den mayoria negoshi a bay atras 'substancialmente'. Varios negoshi cu a funciona pa años den centro di Oranjestad a cera algun publicamente, algun den silencio. Na di tres lugar varios negoshi den centro di Oranjestad ta buscando otro sitio pa 'huur' mas

tanto riba riba caminda di Ponton pa Noord na unda tin sitio cu nan trahadornan por para nan auto sin cu nan mester paga y na unda tin 'parkeerplaats' pa nan clientenan SIN cu nan mester paga pa esaki.

colmo di tur esaki ta keda cu un gran cantidad di ciudadano cu tabata bay Oranjestad regularmente pa haci cierto compras, a dicidi cu nan no ta bay Oranjestad mas pero cu nan ta bay otro sitio unda nan y nan auto no ta pasa den un abuso di 'ponemento di klem'. PPA ta keda cuestiona e asunto aki seriamente. Nos ta contra cu pueblo ta wordo abusa di dje pasobra ex - ministro di Finanzas Mike de Meza alias the Mess a hinca Aruba den un crisis financiero hamas visto, cu consecuencia cu gobierno Mike Eman a dicidi cu nan NO ta subsidia Arubus NV mas. Un deber cu tur gobierno na mundo ta cumpli cune y ta pa e motibo aki a crea un ARU-PARKING y pa colmo ponemento di klem.

E pregunta cardinal ta keda pa cual motibo gobierno/ Arubus/ Aruparking a scoge pa haci uso di klem cobrando f. 75,00 pa kita e klem y un f. 150,- - acerca pa transporta e auto, si acao e suma di f. 75,-- no wordo paga... un total di f. 225,-- pa e hecho cu tabata tin un 'overtreding' door di sea a para na un sitio robez of cu no a paga e parkeergeld di f. 2,-- . E castigo aki pa un suma di f. 2,-- simplemente no ta balanza e no ta cuadra... e no ta husticia..... e ta un abuso di otro mundo. Por a scoge pa pone



un 'sticker, cu un verbal chikito riba e auto cual ta laga e asunto di pago den man di Ministerio Publico. Pa scoge pa pone klem na prome lugar parce nos pa esun cu ta compra e 'klem' gana placa locual a wordo proba caba. Ta bin acerca cu ponemento di klem ta causa un pago abusador di f. 75,-- y kizas f. 225,-- -!! Ta encera 'beslag' riba e auto di e ciudadano pa

un suma di f. 2,-- locual ta indica sirbi interes di amigo/friends & family.! PPA ta rechaza e presencia di un ARU-PARKING y sigur cu e forma aki di funciona... un abuso di nos pueblo di nos trahadornan y un sla 'diario' contra comercio di Oranjestad.

Si un tereno priva tabata cobra pa parkeer esey ta nan asunto pero NO e

tereno publico, traha cu placa publico di pueblo anto pa colmo pa e motibo esencial cu gobierno NO kier paga Arubus NV e subsidio anual cu nan mester paga. PPA ta keda di opinion cu henter e asunto aki ta un abuso hopi serio di pueblo y nos ta pronostica cu lo tin confrontacionnan serio den futuro entre pueblo y trahadornan di Aruparking. Confrontacionan cu por wordo evita si sea no a introduci e asunto aki of cu a introduci e sin e asunto di 'klem' auto/ propiedad di pueblo pa un suma di f. 2,-- un abuso di primera ordo.

PPA kier anota cu no opinion constante ta basa riba e cantidad di reclamo di pueblo cu nos ta ricibi y nos vuelta den Oranjestad pa nos observa e situacionnan. Ultimo simannan e reclamo di pueblo a aumenta sumamente hopi. Gobierno ta abusando di pueblo esey ta e realidad !!

Maduro Heavy Eq.N.V.

Piedra #5/#6-Grijs-Tur tipo di Santo
Coba Pos-Fundeshi-Haci Tereno Limpi
****Puntra pa Special di Luna***

Tel:5851708/Cel:5931608/5943207/5620331

Email: mheqnv@hotmail.com



Na Santa Cruz:

Chauffeur burachi deteni pa ocasiona accidente

Diadomingo anochi den e birada skerpi na Santa Cruz panort di Huchada a sosode un accidente di auto basta fuerte.

Di biaha unidadnan policial a presenta pa cera e caminda. A tuma nota cu tanto un Getz y un Chevrolet tabata envolvi. Daño material tabata considerabel.

Dos unidad di ambulance a presenta pa atende cu e heridonan.

Polis a detene un chauffeur bao influencia di alcohol cu ta causante di e accidente aki.



UNITED KITE SLAM 2016

SC United Kite Slam

Veld di SC United Boegoeroei

Diarazon, 27 April 2016 9:00 am - 7:00 pm

Fli Categoria A • 0,50 ~ 1,00 m.
Fli Categoria B • 1,05 ~ 1,50 m.

Diabierna, 29 April 2016 7:00 pm - 12:00 am

FUN NIGHT EVENT
FLI DI LUZ • 1,00 ~ 2,50 m.

Diasabra, 30 April 2016 8:00 am - 7:00 pm

Fli Mediano C • 1,55 ~ 2,00 m.
Fli Mediano D • 2,50 ~ 3,25 m.

Diadomingo, 1 Mei 2016 8:00 am - 7:00 pm

FLI GIGANTE
FLI GIGANTE Cat. E • 3,50 ~ 4,25 m.
FLI GIGANTE Cat. F • 4,30 ~ 5,00 m.

Fli Gigante hosted by SETAR

Fli di Luz hosted by Wendy's

Fli Mediano hosted by Arubabank

Fli Chikito hosted by LIVE MAS TACO BELL

ARQUIT CLUB UNITED

DON PASTECCHI FACTORY

pepsi.

GATORADE

STOP ABUSO SEXUAL DI MUCHA

ESAKI TA UN INVITACION PA ASISTI NA UN MANIFESTACION **DIARASON 27 DI APRIL** SALIENDO **2'OR PM** DI JULIANA SCHOOL TE PARLAMENTO / BESTUURSKANTOOR

Bini Uno Bini Tur!

Organisa pa **Fundacion Lisette Gomes**
STOP ABUSO SEXUAL DI MUCHA

STOP CHILD ABUSE




SOLO
BRIYANDO FUERTE • TRECIENDO CLARIDAD
Di Pueblo

Dialuna 25 April 2016

Na caminda pa First Aruban International Woman Fast Pitch Clash 26 pa 30 April

PARTICIPACION:
TIN STANDS OBTENIBEL DURANTE
CELEBRACION DI ORANJE FEST DI PARTIDO
MOVIMIENTO ELECTORAL DI PUEBLO MER...
CU LO TUMA LUGAR DIA 27 APRIL 2016 NA
SEDE DI NOS PARTIDO



PA REGISTRA: YAMA ROQUE
MATILDA NA 593-5452



Cera conoci cu Kimberley Ruth-Ann Agard, kècher super talentoso di Sta. Rosa Angels Vanddis AA. Kimberley Ruth-Ann Agard tin 15 aña y ta midí 1.52 meter. E ta filia y bati na man drechi. E ta pertenecé n'e organizacion di St. Rosa Angels Vanddis. E ta catcher regular di e ekipo den AA. Si ta necesario e ta cubri tambe segunda base y right field. E ta alumno di Juan Pablo Duarte caminda e ta den tercer grado VSBO na nivel di TKL. E ta ambicioná pa un dia bira un accountant. Cu su edad y estatura e ta den e esnan mas chiki den AA den tur sentido di palabra. Pa hopi conocedor di softball, Kimberley ta un super talento tras di plato. "Mi a cuminsá hunga baseball cu mi 4 aña. Mi mama ta un ferviente fanático di baseball. Esey a lanta mi interes p'e deporte y asina mi a cuminsá hunga baseball den St. Maria. Mi tabata único mucha muhèr y mi tabata pitcha. Cu mi 7 aña mi a combiná mi baseball cu softball. Mi a hunga softball den Tee Ball p'e organizacion di Eagles Softex. Cu mi

8 aña mi a stòp definitivo cu baseball y mi a "switch" cien por ciento pa Softball. Como dos biah miembro di seleccion nacional e tin amplio experiencia internacional. Cu su 14 aña ya caba e la surpasá e locual tabata spera di dje den Little League den Liga Soraida Juliana. Siendo hungador di division Junior den Liga Soraida Juliana, ya e la duna muestra caba di por handle e nivel adulto den clase A. Masha liher e cuerpo técnico a yega na e conclusion cu como deportista e ta suciente madurá pa por handle e presion di hunga den nos máximo division di softball Fast Pitch na Corsou AA. Cu su 14 aña e la debutá keto keto den AA caminda e la bira un atraccion tras di plato.

E ta hunga un ròl central i clave den e defensa di St. Rosa. E no tin problema pa catcher, pitcher manera Nella Elisabeth cu ta tira entre 65 pa 67 mia pa ora. E tin un tremendo nanishi pa coy coredor fo'i base. E tin un bon braza y no tin miedo di tira na base. No opstante su estatura, e ta para "aló macho" na plato y ta blòkia base riba cualke hungador cu ta biniendo

Continuacion pag. 19

Buccaneer Restaurant

Happy Mother's Day celebration
with a 3-course meal

Special
Afls. 55.00



Tel: 586 6172

Email: jamesrogan@buccaneeraruba.com

Website: www.buccaneeraruba.com

ARUBA SOFTBALL BOND TA PRESENTA



FECHA: 26 - 30 DI APRIL | LUGAR: VELDAN NA POS CHIQUITO



#	DATE	TIME	POOL	HOME TEAM	VS	VISITORS	
1	26-04-16	6:30PM	A	AMISTOSO	VS	AMISTOSO	
2	26-04-16	8:30PM	A	CANADA	VS	JAGUARS VITAMIN WATER	
3	27-04-16	1:30PM	A	JAGUARS VITAMIN WATER	VS	SANTA ROSA ANGELS	
	27-04-16	3:15PM	A	SHORT CEREMONY		SHORT CEREMONY	
4	27-04-16	3:45PM	A	SANTA ROSA ANGELS	VS	ARUBA BANK LT	
5	27-04-16	5:30PM	A	ARUBA BANK LT	VS	CANADA	
6	28-04-16	6:30PM	A	SANTA ROSA	VS	CANADA	
7	28-04-16	8:15PM	A	ARUBA BANK LT	VS	JAGUARS VITAMIN WATER	
8	29-04-16	7:00PM	A	# 3	VS	# 4	WIN # 8
9	29-04-16	9:00PM	A	# 1	VS	# 2	WIN # 9/LOOSER # 9
10	30-04-16	6:00PM	A	WINNER # 8	VS	LOOSER # 9	WIN # 10
11	30-04-16	8:00PM	A	WINNER # 9	VS	WINNER # 10	GOLD MEDAL

TAMBE LO TIN WEGANAN DI FOGEO DI SELECCION
MASCULINO CU PITCHERNAN INTERNACIONAL

SOFTBALL FEMENINO A LA CARGA!!!!!!





ELECCIONES DOMINICANAS, PERSPECTIVAS ... Un juicio que se forma en virtud de un fundamento

Por : Bombi Ramos

El próximo Domingo 15 de Mayo serán las elecciones presidenciales, congresionales y diputados de ultramar (exterior). Están llenas de diferentes factores. Que a la final serán de gran incidencia. a mi parecer de mucho peso.

Entre ellas podemos mencionar, lo que se le hizo al ex presidente Leonel Fernández de desprestigiarlo al traerle al país al narcotraficante dominicano Quirino y vincularlo directamente en deudas y compromisos que este hiciera con él. descartándolo completamente de la candidatura presidencial de este 2016. Esto le dio el beneficio de quedar como único candidato presidencial sin ninguna oposición. esto sumado al cambio de la constitución para que la reelección sea posible. Llevándose a cabo uno de los más grandes hechos de corrupción en la historia moderna dominicana. Comprando conciencia de la mayoría de

diputados y senadores para que votaran a favor. Con el único fin de seguir en el poder a como de lugar.

La sobrevaloración de todos los proyectos, jueces corruptos, mala calidad de educación, delincuencia, policías y militares delincuentes, en general un desorden de marca mayor, que el pueblo dominicano quiere y desea ese cambio. porque ya está bueno.

Por otro lado un candidato fresco, empresario joven Luis Abinader por el partido PRM, que surgió de la división del antiguo PRD.

El descontento de la población más la organización nacional e internacional que se está llevando para que la nueva cara del cambio llegue a ser una realidad.

Las alianzas y coaliciones siempre han

jugado un papel crucial en los ganadores de las últimas 4 contiendas. En este 2016, el gran aliado y tercer partido más grandes, no participará como aliado al gobierno, tampoco el PQDC, FNP y UDN. que en las elecciones pasadas le dieron los votos necesarios para llevar a Danilo Medina a la presidencia. los cuales no estarán más con ellos.

En la primera vuelta gana el que tenga 50% + 1 gana. si ninguno logra esa cantidad, se realizará una segunda vuelta que los dos participantes. Primero y segundo lugar el 26 de Junio.

Y gracias a nuestro director Sr Edmond Croes nos concedió un espacio para este 15 de Mayo Rumba 91.5 FM a partir de las 8:00pm estaremos llevándole todas las incidencias, noticias y boletines. hasta el resultado final.

Continuación de página 17

Na caminda pa First Aruban International Woman Fast Pitch Clash 26 pa 30 April



home. "Mi a siña hopi trahando cu pitchernan manera Nella Elisabeth. Mi ta admirá Emely Jonis tras di plato. Mi ke bira un catcher manera dje. Mi ta haña Arnalda Margaritha un pitcher difícil pa bati. E ta pitcha duro y su bala nan ta move hopi. Mi ta mishi cu nan si, pero contra di dje, bo mester ta realmente di focus. Pitchingolo riba su mes ta un tim cu mi ta tene hopi cuidao cu n'e. Bo tin cu traha duro te na final pa bo logra gana nan. Nan no ta keda abao. Mi trabao contra di nan ta realmente difícil. Nan por saca bo for di bo concentracion y core riba bo". Den nos conversacion e ta conta nos cu e la bay 2 biaha cu seleccion. Pa motibo

di fondo no tabata tin mas oportunidad pa forma seleccion e ta lamentá esey. "Mi ta haya esaki hopi jammer. E seleccion ta stimulá e deportista pa duna lo máximo p'e ta parti di e seleccion. Bo mester a para riba véld pa representá bo país pa bo logra komprondé e sentimento di ta den seleccion. E ta un "boost" increíble". Kimy ta conta nos di juffrouw Ethel Pieters. "Nunca lo mi no lubidá e juffrouw ey. E tabata lief y e tabata manera un mama p'ami".

Den final di nos conversacion Kimberley ta dirigí su mes n'e hóbennan. "Lo ta bon pa hóbennan práctica deporte. Tende di voznan

mayornan, scucha bai bon, sigui traha duro. bida". E ta smile y yama
consejo di coachnan, train Ta asina so bo por logra danki.
fuerte, y maske algo no tur locual bo ke logra den

Pro Ta2 Shop



Situa awor na Sta. Cruz #36, otro banda di Colegio San Hose
Telefoon: 593-3946

KOMA MODELS ta celebra e identidad di Aruba

Un Agencia multicultural ! E mezcla di nacionalidadnan na Aruba ta presente den KOMA Models




Estefanie Villareal naci na Aruba cu 19 aña di edad a biba desde su 2 aña na Colombia caminda cu e a realisa su estudio equivalente na Mavo aki na Aruba. Un modelo di KOMA MODELS cu un "look" sumamente exotico. Su piel Moreno bronze combina cu su rostro y tremendo curpa ta haci Estefanie un modelo impresionante. Fuera di esaki Estefanie tin un pasarela espectacular. Estefanie a sigui un curso di peluqueria y durante su tempo liber e ta encanta experimenta cu make up y estilizacion di cabey. Pa relax e ta scucha musica y ta gusta bay beach. Mirando cu hopi di su amistadnan tabata bise pa modela, Estefanie a dicidi di inscribi na Trash By Ronchi pa KOMA Models. E ta conta cu un sonrisa cu e a keda hopi contento na momento cu nan a yame pa bise cu e a keda acepta door di e agencia. E ta gusta e aspecto social di modelahe. "Bo ta conoce hopi hende y ta siña adapta na cada personalidad diferente" ta locual Estefanie a duna di conoce. Janey Wong-Fat ta un estudiante di HAVO

na Colegio Arubano y tin solamente 16 aña di edad. E hoben aki cu un curpa admirable, un tono di piel fabuloso y un rostro diferente ta un otro modelo di e agencia KOMA MODELS. Janey ta gusta Netflix mirando cu e tin un encanto cu e mundo cinematografico. Janey su Mama, Janine, ta un plus model di e agencia. Na momento cu Janey a inscribi pa e casting di KOMA MODELS, acompaña pa su Mama, e agencia a pidi pa su Mama tambe pa modela. Janey a forma parti di e elenco di maquiyador Andrew Curiel durante e Maybeline NY event. Isabelle Schoorl ta otro modelo joven di e agencia. Un estudiante di Colegio Arubano cu ta dedica su tempo liber na baile, actuacion, boxing y lesa buki. Logicamente e ta encanta modelahe caminda e ta sinti cu e por tin un futuro. Pa loup ta trata baile y actuacion e ta mira esakinan manera un vehiculo pa por expresa su mes. Isabelle ta conta cu e tabata tin un fascinacion cu modelahe for di su 5 aña di edad. Modelahe ta locual e kier haci tur dia. E ta mira su

mes como un high fashion model aki 10 aña y tambe kier ta un modelo pa Victoria's Secret. E ta duna di conoce si cu e kier termina su estudio prome y despues dedica na modelahe. Isabelle su estilo Americano/Europeo y su rostro espectacular, cu un estatura di 5'8" na apenas 15 aña, ta haci e hoben aki un modelo cu hopi potencial. E agencia tin su propio website, komamodels.com, caminda por mira tur modelo cu ta pertenece na KOMA MODELS.

Barcelona a derota Sporting Gijon 6-0 pa mantene prome lugar di La Liga



Suarez ta score tur dos pa haci e wegá 4-0.

Na di 85 minuut tabata Neymar Jr. cu a haya un

penalty na su favor ta haci e wegá 5-0 pa despues na di 88 minuut Luis Suarez haci e wegá 6-0.

Cu e victoria aki y faltando solamente 3 wegá, Barcelona ta mantene na prome lugar y cu 4 gol di Luis Suarez ta pasa comanda e tabla di goleador di Liga di Spaña

Despues di e wegá di Real Madrid contra di Rayo Vallecano a sigui otro wegá interesante entre ekipo di FC Barcelona y Sporting Gijon.

Ekipo di FC Barcelona tabata dominante durante henter aña, pero ultimo simannan a descuida y a laga tanto Atletico Madrid y Real Madrid yega cerca.

Atletico Madrid ta empata den punto cu Barcelona pero door cu ekipo di Barcelona a gana ambos wegá durante aña ta keda mantene e prome lugar.

E wegá aki a inicia y apenas na di 12 minuut Barcelona ta bay ariba cu score di 1-0 cu gol di Lionel Messi.

Ekipo di Gijon a haya oportunidad pa empata

e wegá aki pero defensa di Barcelona a sa di rechaza e bala y kibra e hugada na ultimo momento.

Prome mitar a bay aden cu score di 1-0 na favor di Barcelona.

Den di dos mitar na di 64 minuut, e fiesta di gol a cuminsa unda cu Luis Suarez ta haci e wegá 2-0 cu un bunita gol.


Despues tabata na

minuutnan 74 y 77 unda cu defensa di Gijon a comete penalty y aki Luis

Servicio Rapido

Mario's Septic Service

560-3500 / 565-4477



POSICION Y RESULTADONAN DI CAMPEONATO DI FUTBOL OFICIAL DI AVB

Di diadomingo 17 di april te cu diasabra 23 di april 2016

AVB SENIOR							
Division di Honor							
POS	Ekipo	PNT	WH	WG	WE	WP	DG
1	RCA	45	16	15	0	1	54
2	Britannia	44	17	14	2	1	36
3	Dakota	36	17	11	3	3	32
4	Bubali	25	17	8	2	7	4
5	River Plate	25	17	8	1	8	-1
6	Nacional/Washington	24	16	7	3	6	8
7	Estrella	14	16	4	2	10	-15
8	La Fama	13	17	4	1	12	-18
9	Caravel	10	17	3	1	13	-32
10	FC San Nicolaas	3	16	0	3	13	-68

AVB SENIOR							
Division 1							
POS	Ekipo	PNT	WH	WG	WE	WP	DG
1	Jong Aruba	39	17	12	3	2	28
2	Sportboys	34	17	11	2	4	18
3	Caiquetio	34	17	11	1	5	10
4	Juventud Tanki Leendert	33	17	10	3	4	16
5	Brazil Juniors	26	18	7	5	6	5
6	Sporting	19	18	5	4	9	-1
7	Arikok	18	16	5	3	8	-12
8	Atlantico Deportivo	19	18	5	4	9	-2
9	RCS	12	17	3	3	11	-28
10	Real Koyari	7	17	2	2	13	-34

AVB SENIOR							
Division 2							
POS	Ekipo	PNT	WH	WG	WE	WP	DG
1	Real Piedra Plat	38	14	12	2	0	44
2	United	37	15	12	1	2	41
3	Porto	34	15	11	1	3	45
4	Arsenal	23	15	6	5	4	10
5	CD Rooi Afo	22	15	7	1	7	10
6	Estudiantes	19	16	6	2	8	-3
7	Unistars	14	15	4	2	9	-23
8	Jong San Nicolas	4	15	1	2	12	-63
9	Undesa	2	16	0	2	14	-61

AVB SENIOR							
Division di Honor							
Tue 19 Apr	Estrella	0 - 2	River Plate				
Wed 20 Apr	Britannia	1 - 1	Dakota				
Thu 21 Apr	La Fama	1 - 4	RCA				
Sat 23 Apr	Bubali	3 - 2	Caravel				
Sat 23 Apr	Nac/Wash	6 - 0	FC San Nic.				

AVB SENIOR							
Division 1							
Wed 20 Apr	Brazil Jrs.	2 - 2	Sporting				
Thu 21 Apr	Real Koyari	1 - 4	Atlantico				
Fri 22 Apr	RCS	2 - 2	Arikok				
Fri 22 Apr	Jong Aruba	2 - 1	Caiquetio				
Sat 23 Apr	Sportboys	1 - 5	Tanki Leendert				

AVB SENIOR							
Division 2							
Sun 17 Apr	Jong San Nic.	1 - 12	Porto				
Sun 17 Apr	Estudiantes	1 - 1	Arsenal				
Mon 18 Apr	CD Rooi Afo	1 - 3	R. Piedra Plat				
Fri 22 Apr	Jong San Nic.	3 - 3	Undesa				

AVB YOUTH PLAY-OFFS							
Division Juniores							
POS	Ekipo	PNT	WH	WG	WE	WP	DG
1	Britannia	4	2	1	0	0	1
2	RCA	1	1	0	1	0	0
2	River Plate	1	1	0	1	0	0
4	Dakota	1	2	1	1	0	-1

AVB YOUTH							
Division Mayor							
POS	Ekipo	PNT	WH	WG	WE	WP	DG
1	Estrella	44	18	14	2	2	18
2	RCA	39	18	12	3	3	23
3	Brazil Juniors	34	18	10	4	4	12
4	Dakota	33	18	10	3	5	11
5	La Fama	23	16	6	5	5	2
6	Britannia	22	19	6	4	9	12
7	River Plate	22	17	6	4	7	-4
8	Nacional/Washington	19	19	5	4	10	-8
9	United	18	17	5	3	9	-3
10	Bubali	15	19	3	6	10	-10
11	Estudiantes	5	17	1	2	14	-53

AVB YOUTH							
Division Menor							
POS	Ekipo	PNT	WH	WG	WE	WP	DG
1	Nacional/Washington	43	17	14	1	2	55
2	RCA	40	17	12	4	1	41
3	La Fama	34	17	11	1	5	31
4	Britannia	33	16	10	3	3	28
5	Estrella	21	17	6	3	8	-8
6	United	20	18	5	5	8	-1
7	Bubali	16	15	5	1	9	-17
8	Dakota	15	17	3	6	8	-19
10	Brazil Juniors	11	16	3	2	11	-41
11	Estudiantes	5	18	1	2	15	-69

AVB YOUTH PLAY-OFFS							
Division Juniores							
PRIME BUELTA							
Mon 18 Apr	River Plate	1 - 1	Britannia				
Tue 19 Apr	RCA	1 - 1	Dakota				
Sat 23 Apr	Dakota	2 - 3	Britannia				
Mon 25 Apr	RCA	8.00 pm @CDFF	River Plate				
Thu 28 Apr	Britannia	8.00 pm @CDFF	RCA				
Thu 28 Apr	River Plate	8.00 pm @CDGT	Dakota				
SEGUNDA BUELTA							
Sun 01 May	Britannia	5.00 pm @CDGT	River Plate				
Sun 01 May	Dakota	7.00 pm @CDGT	RCA				
Sun 08 May	River Plate	5.00 pm @CDFF	RCA				
Sun 08 May	Britannia	7.00 pm @CDFF	Dakota				
Wed 11 May	RCA	8.00 pm @CDGT	Britannia				
Wed 11 May	Dakota	8.00 pm @CDFF	River Plate				

AVB YOUTH							
Division Mayor							
Tue 19 Apr	United	3 - 0	Britannia				
Wed 20 Apr	La Fama	2 - 1	Estudiantes				
Wed 20 Apr	River Plate	1 - 1	RCA				
Wed 20 Apr	Bubali	1 - 3	Estrella				
Thu 21 Apr	Nac/Wash	1 - 6	Dakota				

AVB YOUTH							
Division Menor							
Mon 18 Apr	Bubali	0 - 1	La Fama				
Sat 23 Apr	Brazil Jrs.	4 - 3	Estudiantes				
Sat 23 Apr	RCA	2 - 0	Bubali				
Sat 23 Apr	United	5 - 0	Estrella				
Sat 23 Apr	Nac/Wash	4 - 1	Dakota				

AVB DAMAS							
Division Open							
POS	Ekipo	PNT	WH	WG	WE	WP	DG
1	RCA	45	17	14	3	0	58
2	Britannia	37	14	12	1	1	77
3	Estudiantes	34	16	11	1	4	47
4	La Fama	27	15	8	3	4	25
5	Santa Fe	21	16	6	3	7	-9
6	Arsenal	20	15	6	2	7	5
7	Dakota	17	15	6	2	7	-4
8	RCS	11	16	3	2	11	-33
9	Estrella	7	14	2	1	11	-58
10	Savaneta Stars	-1	14	0	0	14	-110

AVB DAMAS							
Division Open							
Sun 17 Apr	La Fama	0 - 6	Estudiantes				
Fri 22 Apr	Estudiantes	12 - 2	RCS				
Sat 23 Apr	Santa Fe	0 - 3	RCA				

CAMINDA PA PLAY-OFFS DIVISION DI HONOR



#4 ...?

POS GOL HUNGADORNAN CU MAS GOL ANOTA							
Division di Honor							
1	20	Steven Melchior					RCA
2	16	Ronald Gomez					RCA
3	11	Sebastian Montoya Cano					Britannia
Division 1							
1	15	Raymond Maduro					Caiquetio
2	14	Sandro Osorio					Atlantico
3	12	Gregory Gomez					Jong Aruba
Division 2							
1	24	Micheal Angelo Wild					Porto
2	22	Marlon Andrea					R. Piedra Plat
3	14	Walter Rangel					Arsenal

Exitoso Seminario 2016 di Guardian

GroupTrust - Engage - Connect



Diabierna 22 di April, Guardian Group a organiza su di 7 seminario di negoshi na Hilton Aruba Caribbean Resort. E tabata un vez mas un atardi exitoso cu 340 participante. Guardian Group a presenta un line-up di 4 orador interesante y cada un cu nan conocimiento specifico y experiencia a cautiva y motiva e audiencia.

E aña aki, sr. Ryan Kock a guia e seminario como e moderador, caminda

a introduci e oradornan y facilita e preguntanan interesante di e publico pa e oradornan y a duna na final un bunita resumen.

E promer presentacion tabata di sr. Johann Hosein, kende ta Manager di Inversion na Guardian Group. Su discurso informativo tabata encuanto e gestion di e plannan di pensioen, e planificacion y mantencion activo. Sr. Ryan Peterson conoci como un orador hopi

dinamico, a mantene e atencion di e publico cu su discurso "Transformando na e velocidad di confianza", con pa recupera confianza. E la indica tambe cu pagonan digital y mobil ta e futuro y lo tuma over. Ademá ta hopi importante ora ta trata di confianza pa nos tuma tempo pa disfruta di un bon copi di koffie ora di haci negoshi. Sra. Varelle Croes, cu su presentacion encuanto "Libertad Financiero" ta un experto ariba tereno

di equidad y finanzas cu mas di 10 aña di experiencia den servicio financiero. Sra. Varelle Croes a traha cu algun di e fondonan di inversión más grandi di mundo y tambe cu companianan renombra di contabilidad promer cu e la funda su propio compania "The Liv Group". El la duna un discurso di motivación di su carrera y desaroyo personal cu a traslada e audiencia for di presente pa e futuro y viceversa. E la anima tur presente

pa "biba den presente", mientras cu ta crea un fondo pa cu futuro pa mantene e libertad financiero. Planta un mata awe pa biba den sombra mañan.

E ultimo orador na e seminario di Guardian Group tabata Sr. Everette Taylor, CEO di su propia empresa MilliSense na los Angeles. E la comparti su experiencia di bida cu e publico encuanto "Supasa Fracaso". Everette Taylor su bida for di chikito tabata difícil y cu hopi obstaculo bibando den un area peligroso y cu poco speranza den un bon futuro. Pero semper e la scoge pa e keda den bon caminda a pesar di tur cos. E tabata sin hogar durante su adolescencia y a hasi tur posibel pa haya un educacion pa awe e ta un CEO exitoso. Si bo no tin un trabao crea uno. E ta un bon ehempel cu no ta importa locual bida ta trece, e importante ta cu nunca mester renuncia (give up) of sinti duele di bo mes.

Guardian Group ta gradici tur cu a asisti na nos Seminario di negoshi y na e oradornan por nan discurso elocuente. Danki pa comparti e exito aki cu nos. Pa mas informacion encuanto ultimo noticianan di pensioen, eventonan, producto y servicio di Guardian Group bishita nos website: www.myguardiangroup.com E presentacionnan lo ta pronto disponibel ariba di nos website.

Sindicato di Maestro di Aruba

SIMAR ta conoce su directiva pa 2016-2018

Diabierna ultimo SIMAR a tene su Reunion General Anual durante cual e directiva a relata tocante su trabaonan eherci durante e aña sindical 2015-2016. Tambe miembronan presente a vota pa miembronan di directiva pa e siguiente dos añanan sindical, esta 2016-2018.

Durante e reunion secretario a duna relato di tur trabao sindical, tesorero a duna relato di finanzas di SIMAR, presidente a duna relato di e parti huridico di aña 2015 y relato di oficina di "accounting" cu a revisa e bukinan di SIMAR a ser presenta na miembronan.

Tambe a papia di e plan di accion pa loke ta 2016-2018 y e miembronan presente a vota pa e miembronan di directiva cu lo guia SIMAR durante e siguiente periodo cu ta 2016-2018.

Di un directiva saliente e miembronan ta automaticamente re-eligibel. Comisario/vice presidente, esta sra. Carolina Kelkboom no a pone su mes disponibel pa e siguiente periodo, mientras demas miembronan y miembro sr. Carlos Martinus a pone nan mes disponibel pa eleccion. Miembronan presente a pone confianza den tur e cinco miembronan cu a postula nan mes cu a ricibi e mayoria absoluto di voto y asina, segun statutan di SIMAR, a haya e derecho di forma parti di e directiva nobo. Miembronan di directiva cu lo guia SIMAR durante e siguiente dos añanan ta (d.r.p.d) Sra. Maroeschka Cornelie, sra. Natalie Carlo, sr. Carlos Martinus, sra. Sheila Lazo-Tromp y sra. Mariela Kelly-Maduro.

Den transcurso di siman

e directiva lo reuni pa asina delibera tocante e funcionnan den directiva y lo anuncia esaki na miembronan y den prensa. Un danki ta bay na sra. Kelkboom pa su trabaonan eherci durante e ultimo añanan y un palabra di exito, forza y perseverancia ta bay na

cada un di e miembronan di e directiva nobo pa carga e responsabilidad grandi pa guia SIMAR, e unico sindicato di maestro aki na Aruba.



MEGA OUTLET

Situa na Santa Cruz #60



King's Week Sale

23 April te 30 April!

Up to 50% discount

Store hours:

Dialuna 12-7 pm

Diamars te Diasabra 10-7pm

Nos ta warda bo na Mega Outlet!

BENNY NISBET, LIDER DI PPA:

SAN NICOLAS "BEK PA HOMEPLATE/BACK TO HOMEPLATE" PERO SIN DESAROYO NOBO!!



E impacto economico di e refineria(LAGO) a crea San Nicolas manera e tabata realmente. Un ciudad druk, dinamico etc. Cu tempo e refineria (LAGO) a sera (1984) y nunca mas San Nicolas no tabata locual e tabata antes. Cu e reapertura pa

Coastal sigui pa EL PASO y despues Valero ainda nunca mas San Nicolas no a desaroya su mes di ta e San Nicolas economicamente potente.

Durante e añanan 2010, 2011 y 2012 cu Valero tabata explota e refineria ultimo San Nicolas tabata tin mas movicion cu awe pero ainda mi ta corda con hopi hende den pueblo tabata reclama cu San Nicolas mester di un desaroyo aserca pa realmente dunele un impacto economico. Cu otro palabra cu e refineria habri San Nicolas su desaroyo economico no tabata uno impactante.

Ora AVP a gana eleccion na 2009 AVP a anuncia cu nan tin plannan grandi pa desaroyo di San Nicolas y San Nicolas lo ta 'prioridad no. 1'....a logra pa Valero habri e refineria na 2010 cual a dal sera na 2012 algo cu gobierno Mike Eman tabata sa di dje pero nan no a hasi nada pa prepara pa e sla aki pa colmo nan acuerdo di 2010 a yuda tene e refineria cera durante tres aña.

Mientras tanto speranza pa un miho futuro ta worde hinca den mente di ciudadanía cu ora e refineria habri bek, San Nicolas lo biba atrobe ! Esaki PPA ta cualifica como 'BEK PA HOMEPLATE/BACK TO HOMEPLATE'. Bek pa e situacion unda e refineria tabata habri pero su impacto riba nos economia tabata relativamente poco. Entodo caso esaki lo ta miho cu nada.

VISION NOBO SAN NICOLAS PRIORITY NO. 1 ?

E pregunta esencial cu pueblo di San Nicolas mester hasi su mes ta: Unda TUR e plannan cu AVP tabatatin a lo menos cu nan a bisa pueblo di San Nicolas na 2009 ripiti na 2013 cu San Nicolas lo tabata prioridad no. 1 pa nan....unda e plannan aki a keda ? Poco caretera cu 'trottoir di klinker, drechamento di e Watertoren(idea di PPA) rechaza den pasado pa AVP y drechamento di Nicolas Store otro idea anjas largo den programa di PPA NO ta suficiente pa un desaroyo nobo. Pa no lubida e vision/idea di PPA pa un Museum Carnavalesco y un Carnival Village combina cu AVP a tuma over y a 'split' ehecutado e parti cu lo mester a bira un Carnival Village pero cu te awe NUNCA a worde finalisa....a traha un carnival plaza cu ta worde jama Carnival Village....pero SIN e Village....y pueblo di San Nicolas a guli esaki manda abao tambe pa colmo riba e tereno 'mas contaminata na San Nicolas. E idea di AVP MES pa un museum industrial y un museum cu AVP a trece for di Dakota NO ta proyecta 'historia y cultura' di San Nicolas dentro di e cultura general di pais Aruba. E ta un insulto na e 'historia y cultura' di e distrito di San Nicolas. Y sigur no suficiente pa un desaroyo economico nobo

!! Y ora e pueblo di San Nicolas cuestiona e situacion.....anto musica den nan curpa.....cu musica nan ta bailia y lubida !!

PPA ta ripiti 'unda e vision/plannan cu AVP a ganja pueblo di San Nicolas cu nan lo tabatatin durante eleccionan di 2009 y 2013 cu pueblo di San Nicolas a cai pa e 'green green' di AVP ??? Durante 7 anja di gobernacion di AVP San Nicolas a perde nos refineria.....AVP a para ejecucion di e hospital di curazon na San Nicolas, cu renovacion di Watertoren nan a crea UN cupo di trabao durante e periodo aki cu a resulta di ta 'seguridad' cu ta cuida e Watertoren pregunta ta...un vez mas unda e vision/plannan di AVP mes pa San Nicolas a keda ??? Ta bisto cu AVP a tira pueblo di San Nicolas un tubo y pueblo di San Nicolas a cai pele.

Reapertura di nos refineria lo tin un impacto leve riba desaroyo di San Nicolas pero e lo no crea un desaroyo nobo manera priminti durante dos eleccion pa AVP !! Y ora huzga cu AVP a inverti 2500 million florin den Oranjestad y apenas 35 miyon den San Nicolas anto sigur esaki no ta cuadra cu e ponencia y promesa cu San Nicolas lo ta 'prioridad no. 1' Otro mentira cu pueblo di San Nicolas lamentablemente a guli.

Entodo caso si aki un par di siman e refineria habri bek....San Nicolas lo ta 'bek na homeplate' pero lamentablemente despues di siete aña di gobernacion di AVP San Nicolas lo NO a logra un desaroyo nobo of un desaroyo acerca y esaki lamentablemente !! Bek pa homeplate y boca sera...esey ta e realidad amargo !!



Dialuna pa Diabierna
8am-12pm y 1pm- 5pm
Diasabra 8am - 12 merdia

Servicio pa Fura Matras.....


Busk'e mainta, fur'e
y entreg'e atardi mes

Trabao garantisa pa bo drumi mihor



Servicio ta encera

- * Nos ta revisa bo matras completo
- * Tela di bon calidad borda cu disenonan bunita cu extra foam pa mihor suport
- * E Fabrica mas recomenda pa fura matras

Sabana Blanco 34-A - Tel: 582 2709 of 582 4405 - Fax: 583 9637
Email: sleepcom@hotmail.com  Sleep Comfort Aruba

Nestor !

Tur diabierna lo bay tin:

BBQ MIX 10,-

Lomito. 12,50


Cabaron. 12,50

1/2. Chicken 10,-

Di 11'or te 2'or por

yama na 5690131

pa pedido of pasa na Siribana na St Cruz.



***Permanent
Make Up?
Dilailah
Beauty Clinic***
Tel: 856-7272

Permanent Make-Up

E solucion pa bo cejanan

- *Cejasnan dañá of mal forma*
- *Esnan cu no tin cejas*
- *Cejasnan cu colornan cora, biña, berde etc.*
- *Tambe eyeliner y lipliner*

Nos tin e solucion pa bo.

Cada servicio ta den forma personaliza .

Sin dolor y no ta hincha den un ambiente relajante.

Mas di 15 aña di experiencia .

Tambe nos ta drecha cejanan cu :

Waxing, pincet y blade den forma unico,

Cu ta cuadra cu bo cara.

*Yama awe mes na 730-3327 / 586-7272 nos ta wardabo
cu un sonrisa. Consulta ta gratis.*

Na: Dilailah Beauty Clinic

*Noord # 82 den Centro Comercial Noord
patras di Botica Noord*

Botica na Warda:

24 APRIL - 30 APRIL
Botica di Servicio Maria
Botica San Nicolas

**Rooster di dokter na Warda
IMSAN pa luna di April 2016**

MA	MA 18 BRITT-CROES
DI	DI 19 DE CUBA
WO	WO 20 EVERY
DO	DO 21 GIEL
VR 01 BODERIE	VR 22 LINDEN V/D

MA 04 BRITT-CROES	MA 25 LUCHMUN
DI 05 DE CUBA	DI 26 RAMAUTUR
WO 06 EVERY	WO 27 WEVER
	(Koningsdag)
DO 07 GIEL	DO 28 TROMP
VR 08 LINDEN V/D	VR 29 VIS

MA 11 LUCHMUN	MA 02 BRITT-CROES
	(Arbeidsdag)


DI 12 TROMP
WO 13 VIS
DO 14 WEVER
VR 15 BODERIE

WEEKENDDIENST

02 - 03 APRIL	EVERY
09 - 10 APRIL	GIEL
16 - 17 APRIL	LINDEN V/D
23 - 24 APRIL	LUCHMUN
30 APRIL - 01 MEI	TROMP

Nummernan di Emergencia:

Central di Brandweer	911
Polis	100
Sanicolas	104
Sta Cruz	105
Oranjestad	102
Shaba	107
Tip Line	11141
Hospitaal	527-4000
Centro Medico San Nicolas	524-8833
Ambulance	
Wayaca	582-1234
Sanicolas	584-5050



Garage Sale Familiar

Dia: 1 di mei 2016

Ora: 8:00 am - 4:00 pm

Adres: Kas Ariba 13-B

Coffie, croquet, pastechi, bolo.

Tur loke bo mester di 0,25 bai ariba.

Bon Ambiente.

Wak bo no perde!!



Real Madrid a derota Rayo Vallecano 3-2 despues di tabata perdi 2-0

Diasabra maita a continua e weganan valido pa La Liga di Spaña unda cu ekipo di Real Madrid tabata di bishita na ekipo di Rayo Vallecano.

Ekipo di Real Madrid despues di a gana Barcelona a mehora masha hopi mes y sigur kier bay cu e titulo di Spaña pa loque ta trata 2015-2016.

E wega aki sigur no a cuminsa di e mihor manera, ya cu na di 7 minuut Rayo Vallecano a bay ariba cu score di 1-0 cu gol di Embarba.

Siete minuut despues tabata e venezolano Miku ta haci e wega 2-0 pa Rayo Vallecano.

Ekipo di Rayo Vallecano a haya hopi oportunidad pa haci e wega 3-0, pero no a probecha di esaki, mientras cu Real Madrid si a haya oportunidad na di 35 minuut unda cu Bale ta corta ventaha di 1-2.

Asina e prome mitar a bay aden cu score di 2-1 na fabor di Rayo Vallecano.

Den di dos mitar, apenas na di 52 minuut tabata Lucas Vazquez ta empata e wega cu un bunita



cabezaso.

Mientras cu e wega tabata avanza por a mira cu Real Madrid a crece ariba

ekipo di Rayo Vallecano y na di 81 minuut un biaha mas tabata Bale kende despues di un fayò enorme di defensa ta

pone Real Madrid ariba cu score di 3-2.

Asina tambe e wega a termina cu score di 3-2

na fabor di Real Madrid kende na e momento ey a pasa pa un momento bira lider di campeonato, pero cu un wega mas hunga.

Morto natural na Mahuma



Diadomingo merdia den careda di 1:45 asistencia di Brandweer ta wordo pidi na un adres na Mahuma

pa habri un porta di cas.

Segun nos a compronde e persona aki no a yega



su trabao y no ta algo normal. Parti di su famia lo ta kedando na hotel y e persona aki su so lo ta

na cas y nan a purba di contact e pero nada.

Lamentablemente

momento cu brandweer logra kibra e porta y drenta nan ta haya e persona sin bida, mes ora ta pidi pa dokter y slachtoffer hulp.

Personal di ambulance cu tabata na e sitio mucho mas no por a haci, lo ta trata di un morto natural. Polis a keda na e cas un rato cu un famia.

No ta conoci si e persona tabata sufri di un enfermedad.

Condolencia na e famia nan.



Dr. Rolindo Dortalina

Psico-terapista

E abuso di mucha ta un problema mundial cu ta trece consecucionan hopi grave den e bida di e muchanan Mi kier papiabo di abuso di mucha.

Abuso di mucha ta un daño físico of sico causá na un yiu cu por ta di manera intencional of negligencia dor di un miembro di famia of otro persona. E abuso por amenasá tanto e desaroyo físico como psicológico di e mucha. Ta existi varios categoría di abuso di mucha, manera:

- **Maltrato físico:** ta significa ora un persona adulto ta usa forza física di un manera bruto, inapropiá riba un mucha. Por ehempel cu pushamento, morde, kinipi of golpia, etc.

- **Maltrato sexual:** esaki ta cualkier interaccion sexual indebido, ya sea física, visual of verbal di un adulto pa cu un mucha, cu e propósito di obtene estímulo of satisfaccion sexual. Por ehempel e violacion, explotacion sexual, fulamento ne parti íntimo, etc.
- **Maltrato psicológico:** ta consisti di conducta verbal persistente y destructivo di un adulto pa cu un mucha. Manera e insulto, rechazo y amenaza.
- **Negligencia:** esaki ta falta

di responsabilidad di parti e mayornan, ora nan no ta satisfacé e necesidadnan di supervivencia di e yiu. Manera e descuido, no brindanan proteccion, no dunanan e alimentacion adecuá, ni tratamiento médico, etc.

- **Abuso prenatal:** ta ora cu e mama ta na estado y ta pone den riesgo e bida di e baby. Por ehempel, ora cu e consumi alcohol of droga, intento di aborto, etc.

Ultimamente nos por a lesa den diferente medio di comunicacion hopi casonan di abuso di mucha, con tin suhetonan cu ta cana abusa sexualmente di e menornan di edad. Tambe tin casonan di maltrato físico, na unda un tata ta maltrata su propio yiu

baby recién naci. Pesey como sociedad nos mester ta consciente cu tin un problema grave cu ta presente den nos comunidad. Y mirando esaki como solucion:

1. Mayornan mester ta mas alerta, paso e abusador por ta un miembro di bo propio famia of otro persona yegá.
2. Mantené e comunicacion habierto cu bo yiu. 3. Wak cu kendenan bo yiu tin relacion.
4. Y si bo tin yiu cu tabata victima di abuso, no tarda pa busca ayudo profesional pe situación no afectá su desaroyo emocional. Bon siman.

Pa conseho, pregunta of tratamiento, yamanos na: 7422840.

BIJBEL TA BISA, CU CRISTO HESUS A LANTA UN SOLO IGLESIA PA SALBACION DI HENTER HUMANIDAD.

Pakiko tin tanto iglesianan, religionnan, sectanan y mientras cu Cristo Hesus a institui y a lanta un Iglesia so na Herusalem, pa salvacion di henter humanidad.

Den Bijbel Mateo 16: 13-20, Hesus ta bisa Su apostel Simon; "Bo ta Pedro y ariba es baranca di piedra aki, lo Mi traha Mi Iglesia y e podernan di fiero lo no podera di djé. Lo Mi duna bo e jabinan di reino di cielo y loke bo mara na tera, lo ta mara den cielo tambe y loke bo los na tera, lo keda los den cielo tambe."

Akinan Hesus ta papia bon cla di un solo Iglesia y no di iglesianan. Hesus a scohe Su 12 apostelnan pa lanta un solo Iglesia Universal, pasobra Cristo Su unico Iglesia aki mester ta pa henter mundo. E nomber cu Hesus a duna Su apostel Simon, ta Pedro cu ta significa, baranca y Pedro ta e fundeshi di Cristo Su Iglesia. Tambe Hesus a bisa Su Apostelnan, cu satanas lo no kibra Su Unico Iglesia y cu E ta cu Su Iglesia te na fin di tempo. E jabinan di e Reino di Cielo, ta e jabinan cu Cristo Hesus a duna na Su 12 Apostelnan pa dirigi Su Iglesia y e jabinan aki ta di un solo porta pa nos por drenta den e Gloria di Dios y esaki ta pa medio di Su Unico Iglesia Universal y no tin otro porta mas. Cristo Hesus a duna e poder na Su 12 Apostelnan, tocante loke bo mara na tera,

lo keda mara na cielo tambe. Akinan Hesus a duna e Autoridad na Su Apostelnan pa nan dirigi Su Iglesia y esaki ta e dogmanan, Canonikanan y e Leynan cu e apostelnan ta pone den Iglesia pa obediencia y pa cumplimiento. Cristo Hesus ta manda Su apostelnan: "Bai na tur parti di mundo y haci tur hende bira Mi discipelnan, bautisanan den nomber di Tata y di Yiu y di Spirito Santo."

Tur esakinan a sosode, pasobra e Unico Iglesia di Cristo Hesus mester ta Uno y Universal. Den Bijbel Echonon 20: 28-30, San Pablo ta bisa na su coleganan Obispo: "Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senyor, na cual E'l a gana cu Su propio Sanger. Mi sabi cu despues di Mi partida, lo drenta lobonan feroz cu lo no tin compasion cu e rebanjonan y cu denter di bosonan mes lo surgi hendenan cu lo sinja doctrinanan robes y nan lo gana discipelnan nan tras."

San Pablo ta spierta su rumannan Obisponan di Efese, cu pa motibo persigicionnan di otro creencianan, religionnan of sectanan, hopi di esnan debil den fe, lo sali for di e Unico Iglesia Universal di Cristo Hesus y nan lo drenta den otro religionnan,

sectanan. Tambe nan mes lo lanta nan mesun iglesianan, religionnan, sectanan, institutonan, pa nan gana discipelnan nan tras y nan lo trece nan mesun doctrinanan y ensenjansanan robes.

Cristo Hesus sa di antemano cu den futuro, lo bai tin tanto doctrinanan falso y cu lo bai tin tanto ensenjansanan y interpretacionnan robes y cu den tur esakinan lo bai resulta den tanto iglesianan falso, religionnan, sectanan etc. Mientras cu den Bijbel, Cristo Hesus a lanta un solo Iglesia pa salvacion di henter humanidad.

E solo Iglesia aki a wordo lanta na Herusalem, pa medio di Cristo Su prome Apostelnan, cu ta Cristo Su prome Obisponan y San Pedro cu ta e prome piedra di Cristo Su Iglesia Universal, San Pedro cu ta e prome Vicario di Cristoaki na mundo, San Pedro cu ta e prome Papa di Cristo Su Unico Iglesia Universal. E unico Iglesia di Cristo aki, na cual E'l a gana cu Su propio Sanger.

Puntra bo mes un dia, ta pakiko tin tanto iglesianan, religionnan, sectanan aki na mundo? Y mientras cu den Bijbel, Cristo Hesus a lanta un solo Iglesia Universal, pa salvacion di henter humanidad. E palabra Universal ta significa, Catolico y no tin otro mas pa salvacion.



**Orange matrass
Olijfstraat 23D
TEL; 588-7468 /592-3344**

Nos tin tur size di matrass y box
Nos ta fura matrass - box- set
di sala- set di comedor-TV Chair.

Pa bo drumí dushi

TRAPPERS CLUB

- Fiesta, reunion, ricibimento, bruid, fiesta grandi o chikito. - Workshop, reunion, reunion deportivo, encuentronan di iglesia.
- Area openlucht ta acomoda 1000 persona
- 2 Sala cu 3 airco cu ta acomoda te cu 400 persona - Area openlucht cu stage, pa festival, iglesia, fiesta familiar
- Situa pariba di Botica Central, pabao di veld di Rockets @ Sta Cruz 748-8280

Na caminda pa First Aruban Internatio al Women Fast Pitch Clash 26 pa 30 April



Cera konosí ku Charitey Nepomuceno , picher sóftbòl AA di St. Rosa Angels Vanddis.

Charitey Nepomuceno tin 17 aña. E ta midí 1.63m i ta filia i bati ku su man drechi. E ta hóben picher di St. Rosa Angels ku a lanta i krese den e programa di hubentut di e organisashon. E ta pertenesé n'e grupo di hóben prospekto ku coach Djuni a selektá 4 aña pasa pa kuminsá su programa di desaroyo ku a bin resultá den e titulo kampeonil di St. Rosa Angels na nivel AA den temporada 2015. Aparte di picher e ta utility player pa St. Rosa. Komo tal e ta kubri tur posishon den outfield i den kuadro. E tin un poder ku ta buta ku e por desaroyá i bin bira un batido di poder. E la wòrdu selekshoná na tres okashon pa ta parti di selekshon di Liga Soraida Juliana. E la picha kontra Puerto Rico den torneo regional i a titulá sup kampeon region latino Merikano na dos okashon.

E ta alumno kuarto grado di Ancilla Domini. Su estudio ta atministrashon i komersio na nivel di PKL. E ta ambishoná pa bira un "boekhouder", un persona ku ta traha ku sifra.

Mi a yena un formulario na skol i kuminsá hunga sóftbòl.

Chari ta un hóben ku nos a mira lanta den St. Rosa. E la sa di krese di un hóben ketu i ku ta opservá hopi, pa un dams ku ta musta siguransa den su mes den kombersashon ku otro. e tin un talento enorme pa e picheo fast pitch. Kisas ku un temporada mas largu, ku ta duné mas "playing i piching time" e lo por aselerá su desaroyo un tiki mas. su siguransa riba picher plate sigur lo oumentá. Nos ta puntré pa komparti ku nos kon e la yega sóftbòl. Nos ta puntra Charitey kon bin e la kuminsá hunga sóftbòl. "Eigenlijk mi tabata na skol i yùfrou a parti un formulario. A resultá ku



tabata un formulario di e tim di St. Rosa ku tabata buska mucha ku ke hunga sóftbòl. Mi tabata hañé a kos leuk i mi a yena mi nòmber. Ta asina mi a kuminsá train sóftbòl ora mi tabata tin 11 aña". "Mi a kuminsá hunga den divishon Little i mi a hunga den tur sopra liga di Liga Soraida Juliana. Mi temporada mas dushi tabata den Little i den junior. Nos tabata un tremendo tim ku muchanan ku tabata realmente bon. Den henter e temporada nos a pérdè apénas un of dos wega. Nos tim tabata forma e base di selekshon. Mi a biaha i hunga sóftbòl tambe pafó di Kòrsou. Puerto Rico i Aruba. Na ámbos lugá nos a traha nòmber i mi a logra na hasi un bon papel. Na aruba nos a hunga komo mucha kontra un tim di hende grandi. Nan a haña serka nos. Esei tabata hopi great".

Charitey su desaroyo komo sóftbolista i picher.

Segun Chari ta konta su istoria nos ta rekordá weganan ku nos a miré picha kontra di ekiponan den selekshon. Chari tin un bon velosidat. E ta un picher di rekta ku ta spot su bala. Tene abou i poko leu for di alkanse di e batido. Na 2012 Evan Balentin, coach Djuni, a duna muestra di vishon i kurashi, na momentu kue la kue e hóbenan ku tabata na nivel di Junior i forma un tim hóben ku nan i hunga klase A. Inisiando un programa di desaroyo den kua e la duna e hóben nan aki e oportunidat pa sera konosí ku e kompetensha poko mas resio. Chari a forma parti di e grupo ei. E la sa di hasi uso di e oportunidat i a krese bira un di e piesanan klave di coach Djuni den tantu su ofensiva komo defensa.

"Mi a siña picha serka coach Oscar. E la mira den mi e potensial i a tuma apart durante di training pa siñami e téknika. Mi ta sintimi hopi kómodo ora mi ta traha ku Kimey Agard. Awor aki e ta nos kécher regular den AA. E ta mas chikí ku mi, pero e ta hopi bon tras di plato. E trankilidat di dje, ta yuda nos tur ora ku nos ta riba picher plate. Mi no tin realmente un ekipo ku mi ta haña mas ferfelu ku otro pa picha kontra di dje. Tur ekipo tin nan kos ku n'e. Abo mester keda konsentrá i

tene e bala abou. Mesun kos mi ta haña tambe di batido. Tin algun ku si bo no tene kuidou nan ta hasi bo hopi daño. Pero si bo tene bo mes n'e lokual ku coach i Kimy ta pidibo, bo ta obligá nan bati e bala manera bo ke. Mi kuadro ta hasi sobra".

Sóftbòl a butami sintimi apresiá i importante.

Chari ta splika nos ku e ta haña e situashon den sóftbòl poko ferfelu. "Timnan ta poko. Nos no ta haña tampoko chènsmas pa hunga den selekshon of enfrentá otro paisnan. Asina nos no ta sigui krese. Ami ta purba duna di mi banda. Yuda manera mi por. Mi sa yuda na fèlt ku skore bort. No ta algu difisil. Mi sa ku rondó di fèlt tin mas hende ku por i sa mas ku mi. Nan por yuda ku e kosnan poko mas kompliká. Ami lo no ke pa sóftbòl muri. Pa ami e la nifiká hopi. Mi a mira otro paisnan i e la poné mi sinti mi apresiá i importante. Aña pasa mes ora ku nos a titulá kampeon tabata un di e momentu nan ku mi a sinti mi apresiá i importante. Ta un dushi sentimentu

Palabra final. Na final Charitey ta duna un delaster mensahe ku e ke komparti ku e hóbenan. "Keda semper enfoká riba lokual bo ke. Fiha bo metanan i no laga nada of niun hende stroba bo den traha riba esaki. Ora bo ta hasi un kos, kere den bo mes i hasié ku pashon!"



Yos Septic Tank Service

Chica pos y habri tuberia Pa un bon servicio y mas informacion tuma contacto cu Nena Dirksz na 7482689 of Jose Dirksz na 5666144 Paradijs #09 - Oranjestad, Aruba.

Prome cu bo cera telefon, nos ta para dilanti bo cas! Mas rapido cu YOS no ta existi!



Cu honda pena pero conforme cu boluntad di Dios nos ta anuncia fayecimiento cristianamente na e bunita edad di 99 aña di nos tata, welo, bisawelo, tatarawelo, suegro y omo stima

Sr. Alejandro Jose Gei

Mihor conoci como Papa, Papa Gio of Mo Jose.

*16-10-1916 - † 21-04-2016



Na nomber di su yiunan :

Rosalinda y Emilio Dijkhoff-Gei
Bernadetta y Innocencio Gei-Gei
Maria y Maikel Tromp-Gei
Filemon y Claudina Gei-Barros
Lourdes Gei
Sra. Vda Juana Gei-Figaroa
Sra. Vda Maria Gei-Thiel

Yiu di crianza:

Nietonan

Nicolas y Helena Gei-Arends y famia
Teo Gei y Vivian de Lange
Raul Gei y Annette Brenes
Marc Dijkhoff
Micheal Tromp

Nietanan:

Benedicta (Tica) Gei
Monica y Thomas Tromp-Gei
Christina y Gino Tromp-Gei
Nicolina Gei y Edgard Flanegien
Jalitzia (Lily) y Erwin Donata
Rina Gei y Jean-Pierre Schwengle
Jeanet Gei

Bisanieto-(a)nan:

Vinnetty Gei
Theomar Gei y Francinne Punselie
Rudlaine Pinedo y Ryan Richardson
Naudy Flanegien
Christlaine Tromp
Giyon, Giorgi Tromp
Arianna Gei y Andrew Larmonie
Alejandro Jose Gei
Edilaine Donata
Lisa Donata
Evan Gei
Aliyah Schwengle
Steve Croes

Tataranieto-(a)nan:

Jeandayah Palfit
Jean-Luke Coello
Jean-Philip Coello
Francianne Gei
Francially Gei
Ryzilaine Richardson
Chriswayne Croes

Su ayudantenan:

Arelys Meza Bolivar
Iris Heredia de Quesada

Amigonan di cas:

Casper y Judith Boekhoudt
Alejandro (Patan) Farro y sra.
Nelson Sprock y sra.
Eric Leon

Su grupo di dande:

Frans Figaroa
Rob van Ham
Frank Moreta
Rudolf Dania (Dopi)

Subrino y subrinanan, primo y primanan, ihanan y demas famia: Gei, Figaroa, Dijkhoff, Tromp, Barros, Thiel, Arends, Semeleer, Franken, Britten, Olive, Lo, Danies, Donata, Flanegien, Schwengle, Croes, Richardson, de Lange, Brenes, Boekhoudt, Farro, Sprock, Punselie, Hazel, Olivier, Pinedo, Steenen, Jacobs, Gonzalez.

Condolencia lo tuma lugar na Royal Funeral Home, dialuna 25 April 2016 di 7'or pa 9'or di anochi.

Ta invita pa asisti na e acto di entierro cual lo tuma lugar diamars 26 April 2016 for di 2'or pa 4'or di atardi na misa Sta. Anna na Noord. Despues lo sali pa Santana Catolico na Noord.

Nos ta pidi disculpa pa si den nos tristesa nos por a lubida un of mas famia.




Dios ta amor... y amor ta Dios.
"Maske mi no ta na e mundo aki, tur dia lo mi ta banda di boso curazon, mi por stens di loke Señor ta haci" Salmo 33

Cu inmenso tristeza den nos curazon nos ta participa fayecimento di:

Sr. Cornelis G. de Plaa

Mihor conoci como "Cees"
Ex-Politie

*12-11-1937 - †20-04-2016



Na nomber di su

Casa: Enrica De Plaa-Maduro

Rumannan: Vda. Jans Willemse De Plaa
Jo De Plaa y famia
†Annie & Bem v/d Berg-De Plaa
Sjors De Plaa
Jan De Plaa
Willy & Harry Kuipers-De Plaa
Marijke De Plaa

Swa & Cuñanan: Pedro Silvino (Shompe) Maduro
Felix (Panchito) Wever
†Roman & Rita Wever y famia
Betty Maduro & famia
†Regina Klink Wever
Filomena Wever y famia
Lucia Wever y famia

Ihanan: Zulaika Rodriquez y fami
Bethline Vis

Sobrino y Sobrinanan na Hulanda

Amigo di cas: Franklin Naranjo y famia

Ex Coleganan di Mariniers Kazerne y Korps Politie Aruba

Demas famianan: De Plaa, Maduro, Wever, Tromp, Klink, v/d Berg, Wouters, Navas.

Ta invita pa asisti na acto di cremacion cu lo tuma lugar diamars 26 di April 2016 for di 9'or pa 11'or di mainta na Aurora Funeral Home. Response lo cuminsa 10:30.

Adres pa condolencia: Aurora Funeral Home, dialuna 25 di April 2016 di 7'or pa 9'or di anochi.

Nos ta pidi nos disculpa cu despues di entierro nos no por ricibi bishita di condolencia na cas.

Na caminda pa Torneo femenino internacional 26 pa 30 di April na Pos Chiquito

Cera conoci cu Qui-Lin Coeriel, pitcher sòftbòl fast pitch Clase A



Qui-Lin Jo-Rose Coeriel tin 17 aña. E ta midi 1.70 i ta filia i bati na man drechi. E ta pitcha y patruya den outfield p'e ekipo di St. Rosa Angels den clase A. Aparte di sòftbòl e la haci karate cerca Sensei Millerson i e la pertenecé n'e ekipo di "mountain bike" di e organizacion cu tabata goza di patrocinio di e bufèt di abogado Small Murray Scheper (SMS). Awor aki nan ta kore bou di e nòmber BMX. E la gradua na Albert Schweitzer y ta awor aki alumno segundo grado nivel 4 di Frater Aurelio SBO. Su direkshon di estudio ta administrador. Su ambicion ta pa despues di SBO e sigui un estudio kaminda e por kombiná su konosementu di atministradó ku media di komunikashon. E la hunga sòftbòl eskolar ku Albert Schweitzer VSBO. Su aktual skol no tin representashon den deporte eskolar.

6 aña hungadó sòftbòl. Nos ta topa ku e hóben mainta trempan. E ta reakshoná ku entusiasmo riba nos preguntanan i ta amplia pa nos kon bin e la kuminsá hunga sòftbòl. "Mi tin 6 aña ta hunga sòftbòl. Mi tabata den klas ku Jandely Ricardo ku ta hunga sòftbòl den St. Rosa. Mi mama mes

semper a hasi deporte. E ta hopi bon den karate. Mi mes tambe tabata den karate. Mi tabata kore mountain bike tambe. Jandely a puntrami ku si mi ta interesá den hunga sòftbòl. Mas despues e la app mi bisami ki dia y na unda tin training. Mi a yega vèld cu mi mayornan y mi a gusta e ambiente y wega. Asina ey mi a kuminsá na nivel di Little den e liga Soraida Juliana".

"Ora mi a kuminsá mi tabata hopi kurú. Mi a siña e básiko di sòftbòl serka coach Djuni i coach Nino. Kon ta héndel ku e wante, kon bo ta bati, kon bo ta toka i kiko ta e reglanan di wega. Coach Djuni tin un nanishi pa sa kiko ta nos kada un su forsa. E la mira den mi un hungadó ku por a bira un picher ku por bin dominá. Huntu ku coach Oscar nan a kuminsá traha ku mi pa mi bira un picher. Mi promé wega ku mi a tira tabata un wega amistoso kontra e ekipo di kanga Dein riba nan tereno di train den Kanga. Tabata tremendo. Coach Oscar a keda traha ku mi, perfekshonando mi pichamentu. Mi no ta picher di bala fuerte. Mas bien mi ta koloká mi bala, spot mi skina aden i afó. Mi sa haña hopi tep tambe di nos picher estelar, Leonella Elisabeth. Tur



huntu ta yudami".

Softbol a nifika hopi p'e hoben Qui-Lin.

Segun Qui-Lin ta amplia nos ta kórda kon e la kuminsá den sòftbòl serka St. Rosa. Mucha ketu, desente ku masha bon manera. Semper papiando i kontestando ku dos palabra. Nos a mira kon e la desaroyá komo mucha, rèk kue largura i segun temporada tabata pasa poko poko kita e timides buta un banda. Su bateo a desaroyá, bira konsistente i na momentu te asta peligroso. E transformashon mas bunita tabata e konfiansa ku e la atkeri durante di tempu. Esei ta bin bek den su empeño riba plato pa su ekipo. E trayectoria di e mucha ku tabata kurú i ku a traha i progresá i oumentá na konfiansa a konosé e chéri riba e bolo na momentu ku e la risibí e yamada p'e pre selekshon di Liga Soraida Juliana nivel Senior. Rekonosementu p'e trabou duru ku e hóben a traha p'e maestra e wega.

Qui-Lin den su mes palabra ta splika nos lo siguiente: "P'ami softball ta nifiká hopi, mi sa kiko ta pèrdè i mi sa kiko ta gana. Mi a siña sosialisá mas tantu ku hende. Softball a siña mi p'ami kumpli ku

mi retonan ku mi a pone i p'ami no baha kabes promé ku ora. Tambe ma siña time management, paso mi tin ku siña plús bai train".

Mi mama ta mi role modèl. E hóben ta splika nos ku tin algun deportista ku e tin un kariño spesial p'e. Nan ta un ehemplo p'e. "Mi ta atmirá mi mes mama, Lai-Cam How. Komo karateka e la sali kampeon di Hulanda. Mas despues e la terminá komo number 3 di Europa. E tabata tambe kampeon mundial den estilo Wado. Awor aki e ta koaha i masahista den karate i ora trabou permití e ta biaha i yuda den diferente selekshon. Mi deportista maskulino preferí ta Andreilton Simmons. Mi ta gusta mira kon e ta move riba felt hasiendo su hazañanan.

Un deseo di pashon i dedikashon den un último mensahe. Na final nos ta pidi Qui-Lin p'e manda un delaster mensahe p'e hóbennan. "Mi ke pa nos komo hóben hasi nos soñonan bira un realidat. Mi ke pa nos tin un mihó Korsou pa mayan pa nos mes". E tin tambe un deseo p'e deportistanan. "Lo mi ke pa tur deportista hasi nan deporte ku pashon i dedikashon".

Noticia di polis.....

Polis a haya auto pluma na Seroe Blanco

Diabierna, pa mas of menos 7'or di anochi, Central a manda patruya na e rotonde na altura di Weg Fontein y Weg Sero Blanco na un cas bao di konstrukcion pa un auto cu lo tabata posiblemente procedente di joyriding. Na e sitio polis a nota cu e porta drechi dilanti y e hood di e auto tabata habri. Ta trata aki di un Nissan

Sentra color cora. Ademas di esey, polis a nota cu e auto tabata falta varios cos entre nan e bateria, dos luz dilanti y e spiel robez parti pafor. Durante control door di Central a bin resulta cu e number no ta aparece den sistema. De cuadro di esaki, takelwagen a bin na e sitio y a hiba e auto na warda di Santa Cruz pa mas investigacion. Adicionalmente, Centra l a laga sa cu e auto tin u otro number, pero parce cu esaki a wordo cambia pa e sospechosonan.

Turista a laga iPhone riba mesa bao di palapa y esaki a somenta

Diabierna, pa mas of menos 5'or y 50 di atardi, Central a dirigi patruya na un hotel low rise caminda cu turista a sinti falta di su iPhone 6. E denunciante a laga esaki riba un mesa net bao di su palapa y ora el a bin bek, esaki a disparce. Keha a wordo tuma.

Aurora Funeral Home

*Laga tur loke ta spera mi ta bunita
Laga tur locual mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
"Cado Wever"*

Aida Adelita Croes

Mi hor conoci como "Aida"
*26-03-1926 - †22-04-
2016



Acto di condolencia lo tuma lugar na Aurora
Funeral home diamars 26 di Aril 2016 di 7'or pa
9'or di anochi

Aurora Funeral Home

GRADICIMENTO Y INVITACION

Pa medio di esaki famia kier a gradici tur esnan cu di un manera of
otro a muestra nan atencion y a duna nos sosten durante momentonan
dificil, fayecimento y entiero di nos defunto stima:

Sra. Vda. Patricia Josefa Maduro-Maduro

"Mama Jojo. Tan Jojo of Juffrouw
Josefa"



Tambe ta invita pa compaña nos
na 3 santo sacrificio di misa pa
descanso di alma di nos defunto
stima cu lo tuma lugar
Diasabra 23 di april 2016 pa 7'or ,
Dialuna 25 di april 2016 pa 6:30 y
Diamars 26 di april 2016 pa 7'or di anochi na misa Inmaculada
Concepcion na St.Cruz.

Boso presencia lo ta altamente aprecia.



Oracion di Dia

Awe Iglesia
ta celebra
fiesta di San
Marco, apostel
y evangelista.
Dios nos Tata,
Bo a duna San
Marco e privilegio
di proclamá bo
Evangelio. E ta

corda nos di tuma nos cruz y sigui Hesus su
pasonan. Pasobra si nos tuma nos cruz mescos
cu Hesus, nos tambe por tuma parti den gloria
di su resurreccion. Mare nos por probechá di
su sabiduria y sigui Cristo fielmente. Tambe
nos ta pidi e forza di Spirito Santo pa asisti
cada un di nos pa nos por cumpli cu e tarea cu
Hesus a laga pa nos di anuncia e Bon Noticia
cu testimonio y palabra pa medio di Cristo nos
Señor.


Amen

Chapi y Verf

Nos ta haci chapi, verf cas, rosa tereno y haci
limpi, tira sushi na Dump. E prijs mas barata na
Aruba.

Whatsapp 561 1397

TRAPPERS CLUB



**Prijs Special
Afls. 650.00**



SPECIAL PA FIESTA DI MUCHA... OF KIDS POOLPARTY

- Pa fiesta di mucha di 1 te cu 5 aña, cu duracion di 4 ora
- Airco - Ta inclui 100 stoel - 10 mesa
- Den e seccion openlucht por haci Poolparty / Dino Jumps

Pa informacion, yama 748-8280